

四庫全書

子部

欽定四庫全書

子部
玉海卷五十一

詳校官給事中_臣查善長

主事_臣祁韻士覆勘

總校官進士_臣朱 鈐

校對官編修_臣章宗瀛

謄錄監生_臣王 淦

欽定四庫全書

玉海卷五十一

宋 王應麟 撰

藝文

玉牒圖譜

周用中士奠繫世漢晉用九卿典屬籍唐開成以玉
名牒與史冊並驅玉牒如帝紀而特詳於國書最為

嚴重

漢有玉
版圖籍

漢諸王世譜

後百官志宗正注胡廣曰又歲一治諸王世譜差
序秩第 晉志宗正統皇族宗人圖牒 隋志齊
帝譜屬十卷梁有齊梁帝譜四卷梁帝譜十三
卷

唐宗正屬籍

舊史宗室傳高祖廣封宗室以威天下太宗即位因舉
宗正屬籍問侍臣曰遍封宗子於天下便乎右僕射封

德彝對曰兩漢已降唯帝子及親兄弟若疎遠非有大
功如周邠滕漢賈澤不得濫封所以別親疎也先朝睦
族一切封王非至公之道於是以屬疏降爵為郡公唯
有功者數十人封王 世系表宗室四十一房定著三
十九房自定州刺史至惠宣太子

唐皇室新譜

又見上

志柳芳永泰新譜二十卷柳璟續譜十卷

見上

李衢大唐

皇室新譜一卷

崇文目同

會要會昌六年十一月禮官集

議按神堯本紀及皇室圖譜開成四年正月敕大理少卿李衢修撰皇后譜牒後周武帝敕鮑宏修皇室譜分為帝緒疎屬賜姓三篇

唐玉牒

志皇唐玉牒一百一十卷開成二年李衢林寶撰

舊紀冊府

元龜云三年四月癸丑進

舊史作一百五十卷屯田

郎中李衢沔王府長史林寶等

開成元年閏六月乙

未台宗正卿李弘澤問圖譜對以自肅宗已來並未修續癸卯敕沔王府長史林寶同修七聖玉牒

會

要開成二年六月修玉牒官屯田郎中李衢等奏切以

聖唐玉牒與史冊並驅立號建名期於不朽伏乞特創

嘉名以光帝籍敕旨宜以皇唐玉牒為名宗正寺有知

圖譜官一人修玉牒官一人

開成後始置修玉牒官一人

志李匡

文王牒行樓一卷

崇文目二卷次唐室宗屬子孫各附以院額後目

編

之為天房鑑纂

唐書總紀帝系三卷

崇文目同

唐皇室維城錄

天潢源派譜

志唐皇室維城錄一卷

崇文目同史志云李衡國

李匡文天潢源

派譜一卷

史記天官書咸池曰天五潢

又皇孫郡王譜一卷元和縣

主譜一卷 書目皇孫郡王譜一卷唐宗正卿李匡文撰起高祖訖憲宗諸王封孫又元和縣主昭穆譜一卷記元和至開成三年所封五十九人

唐圖譜院

會要大中六年十二月宗正寺奏修圖譜官李弘簡狀德明之後興聖已來宗祊有序昭穆無差請宗子常參州縣官等各具始封建諸王及五代祖見在子孫錄一家狀送圖譜院每房納於官最高處昭穆尊即送本寺

奏可 六典司封凡皇家五等親及諸親三等皆立簿籍三年一造除附之制並載於宗正寺宗正寺掌屬籍以別昭穆九廟之子孫其族五十有九

至道修皇屬籍 咸平屬籍樓 新修屬籍

太宗至道初詔刑部郎張洎史館修撰梁周翰編皇屬籍未成咸平初猶未備宗正卿趙安易請纂修命於祕閣廳編纂又詔於宗正寺建屬籍樓以嚴奉之四年正月辛丑二十日修玉牒官趙安易宗正卿梁周翰知制誥上新

修皇屬籍三十三卷

周翰創意為之頗有倫貫 一云二十卷

詔送宗正寺

續修

祥符皇宋玉牒

咸平宗正寺

玉牒殿屬籍堂

祥符重建

宗正寺

康定重修祖宗玉牒

紹興玉牒所屬

籍堂 累朝玉牒

祖簿

凡例

元豐宗正

寺牒譜圖籍

皇朝修玉牒昉於至道其官掌帝籍玉牒及皇族昭穆

之序

唐本宗正之職開成始置官

凡玉牒書以銷金花白羅紙黃金

軸銷金紅羅標帶複墨漆金飾匣紅錦裏金鎖鑰十年

一進

神宗時詔為黃金梵夾以軸大難披閱也

后德始末附載卷後

重天合章母道

也

祥符六年

癸丑歲

正月辛酉判宗寺趙世長可封等請

於皇屬籍之上別崇懿號詔名皇宋玉牒

又令屬籍別錄一本藏秘

閣五月癸巳世長請以御製聖祖降臨記藏于玉牒樓詔可國史志皇宋玉牒三十三卷

先是咸

平二年正月甲申徙宗正寺於延和坊建樓以藏宗籍

舊在闕前廡下以湫隘徙之

祥符八年二月乙卯詔鹽鐵副使段燧

擇地營建徙于福善坊建殿堂于寺九月庚午

二十賜三日

殿名曰玉牒殿堂曰屬籍堂

天禧元年二月乙亥賜宗正寺板本經史以備修撰

玉牒

十一月宗正卿趙安仁請以聖祖降臨記并皇宋玉

牒諸王屬籍自玉清昭應宮移於堂殿內秘藏從之

初命

安仁重修玉牒屬籍之齋殿

先是二月丁巳奉安于昭應宮趙安仁傳請依唐故事置修玉牒官奏劉均

夏竦楊億宋綬宋庠等初梁周翰創其制而未備安仁重加裁定

景祐元年李淑請以

編修院廳西閣修纂玉牒康定元年四月庚子重修祖

宗玉牒成既而五月甲子玉牒所請自今歲一貼修十

歲一編錄送宗正寺以其副留中奏可

熙寧三年六月玉牒所於三班

院置局後南渡有司失職盡弃江許紹興二年七月丁

亥宗正少卿李易請編次玉牒二十年二月九日始作

玉牒所

以舊車輅院為之

二十六年閏十月二十七日御書玉

牒殿及殿門祖宗屬籍堂榜

十一年十二月二十六日詔宰臣提舉修玉牒所侍

從一人兼修玉牒官宗正卿少咸與修纂二十九年八月二十三日詔玉牒所併入宗正寺不置修玉牒檢討

以少卿及丞編修宰臣提舉修書官一人

太祖玉牒 紹興二十七年四月己未沈該等上太祖

今上玉牒登進于垂拱殿藏玉牒殿

副本藏龍圖閣

太宗真宗玉牒 乾道三年林劭言太宗朝已成真宗

至欽宗七世未加一筆五月戊戌上太宗真宗玉牒真宗

四十卷淳熙元年十月
二月乙巳復進真宗

仁宗英宗玉牒 寶元二年十月甲子六日李淑上新修

皇帝玉牒二卷皇子籍一卷熙寧元年十一月癸酉四日

玉牒所上仁英二帝玉牒各四卷淳熙四年三月己酉

重進仁宗 五年十月戊戌七年四月丙戌又進仁宗十
三年十一月二十一日進仁英玉牒先是七

年四月三日進慶歷二年至皇佑三年二十七
日詔續修并修英神玉牒從王希呂之言也

神宗哲宗玉牒 崇寧三年十月重修紹興七年汪藻
鮑延祖編哲宗玉牒上之淳熙五年八月十九日宗正
簿胡南逢言藻失紀事之體詔重修七年四月丙戌上
哲宗玉牒慶元三年二月五日進神宗八十卷

徽宗欽宗玉牒 淳熙四年三月己酉進徽宗嘉泰三
年四月十七日又上一百二十卷開禧元年閏八月二
十四日上欽宗二十冊

并憲聖慈烈后
聖德事迹十卷

高宗玉牒 紹興二十七年四月己未始進乾道六年

五月己未

八日進

庚申恭進于德壽宮

九年九月六日又進

一本云八月丙

中

孝宗玉牒

始進于乾道九年八月丙申淳熙四年三

月己酉又進于紹熙元年八月戊戌

己亥恭進

三年十二月

壬寅

并聖政會要
癸卯恭進

光宗玉牒

四十卷進于慶元六年二月二十二日又

進于嘉定十三年五月

寧宗玉牒

嘉泰四年八月九日進五十卷嘉定六年

二月二十五日刊正辨誣之書上之

嘉泰至開禧

淳祐二年

上寧宗玉牒

玉牒祖簿 舊止二十一表本支不分世系難別政和

六年六月戊寅

十六日

許份請增廣編錄以命宗正少卿

閻丘籲八年九月二十日籲以宣祖之後分三祖編纂
修至政和六年太祖下九十九表太宗下二百六十九

表魏王下一百四十八表詔付宗寺

先是六年八月乙亥籲奏玉牒屬籍

太祖下以德惟從世令子伯師太宗下以元允宗仲士
太善汝魏王下以德承克叔之公彥以昭穆分位從之

玉牒凡例 赦令御札聖旨親筆處分郊祀行幸大臣
拜罷試賢良大議論更革廢置大祥瑞災異戶口增減
官雖卑因事賞罰關治體者 紹興十二年奏請九事
一親祠天地宗廟一皇子出閣公主下降一宰臣除罷
一巡狩行幸一大慶一臨軒冊后妃封皇子一蕃國入
貢一大賞罰一官雖小事係大體 嘉定四年十月一
日己卯朔修玉牒章穎等言玉牒體制未定凡例乖舛蓋
玉牒書一代大事視遷固帝紀而元降格目內分十條

若盡用帝紀之體則為太簡然金牋寶匣藏於秘殿若
泐襲案牘之詞登之簡策似不雅正至於事有當書而
不書有細事而累書今欲定體制開列某事當書某事
不當書編成一冊定為玉牒之凡例官吏遵為成式先
後編集不至異同至非常之事則自立言辭鋪敘本末
隨事刪潤以為成書從之

志修玉牒官

以學士
典領

掌修玉牒序宗派紀族屬歲撰宗

子名以進元豐改制宗正卿少丞簿各一人掌修纂牒

譜圖籍凡編年紀帝系歷數政令因革為玉牒序同姓
五服之戚疏者為屬籍具官爵功罪宗婦族姓男女者
為仙源類譜推其所自出列子孫名位者為宗藩慶系
錄攷定世次支分派別而歸於本統者為仙源積慶圖
錄一歲圖三歲牒譜籍十歲修纂以進置大宗正司統

皇族故長貳不專以國姓

至和元年十二月丙戌詔故
事屬籍十年一修今雖及八

年而宗支蕃衍其增修之建炎三年四月庚申併宗寺
于太常紹興三年六月復置少卿五年閏二月辛未復

寺置

玉牒每朝為一牒載人主系序及歷年行事如帝紀而
差詳其後附以皇后事迹其親王宗室則有錄譜圖三
書詳焉玉牒奉安于本殿類譜等書安于屬籍堂

祥符仙源積慶圖

天源錄
先天紀

祥符八年十月壬辰

十五日

知制誥盛度上聖祖黃帝天

源錄五卷

詔王曾晏殊
與度增纂

乙巳

十八日

樞密使王欽若續聖

祖事蹟十二卷請御製序名曰先天紀十二月欽若又

言所集天源錄於經史道藏諸子書中取其事之本始

續成二十卷

九年三月
戊午上之

九年三月癸亥趙安仁

宗正卿

言

唐故事祖宗玉牒皆首載混元皇帝請以御製聖祖降

臨記冠于列聖玉牒及別修皇朝新譜如唐天潢源派

譜製為美名詔名曰仙源積慶圖

歲寫一本
藏龍圖閣

請御製序

從之

藝文志八年進積慶圖與此不同
以劉筠夏竦為修玉牒官

紹興二十七年四

月十五日詔修三祖下積慶圖二十八年三月丁卯

七日

上之乾道三年五月戊戌

六日

上十八軸淳熙五年十月

戊戌又進

書目積慶圖一卷紀帝系起僖祖迄哲宗

凡諸王公主謚號陵廟配侑樂舞等事皆載之

安仁重修玉牒

屬籍又為是圖
皆統例精簡

祥符仙源類譜

兩朝志仙源類譜三十卷祥符八年建玉牒殿屬籍堂
于新寺趙安仁重修玉牒屬籍因上仙源積慶圖歲寫
一本藏龍圖閣明年又請御製降臨記冠玉牒別修皇
室新譜賜名仙源類譜二十卷景祐五年歲寫皇族名
位一編黃綾裝題宗藩慶緒錄與仙源積慶圖同上並

在有司 書目祖宗屬籍譜一卷紀帝系太祖太宗秦王以下子孫凡六百六人公主附之仙源類譜一卷王

輦撰

見下

慶厯仙源類譜

元祐元年正月戊戌玉牒官黃履奏修熙豐玉牒屬籍類譜十月己酉宗正丞王輦奏宗正寺條例玉牒十年一進修玉牒官以學士典領自熙寧中范鎮等進玉牒之後神宗玉牒未修仙源類譜自慶厯八年張方平進

書之後

慶歷三年七月壬午命修玉牒補綴失亡為書數百卷

僅五十年並無

成書請更立法玉牒二年一具草繳進類譜亦如之十

年類聚修纂從之

二年五月修濮安懿王以下屬籍宣和四年二月二十九日少卿趙子崧

請纂神哲兩朝帝系類譜九月書成命藏于玉牒殿

紹興十二年六月十一日修

玉牒楊愿請自宣祖後編修九朝宗派二十七年四月

己未

二十四日

宰臣沈該上宣祖太祖魏王下仙源類譜

并玉

牒等共三百七十六冊用黃鹿紙坊樂前導六月甲午官吏進秩

先是修玉牒陳康

伯言先修太祖今上玉牒太祖今上皇后命氏之源三

祖類譜五世昭穆

三月四日詔
涓日登進

淳熙五年十月戊戌

進第六世類譜

嘉定六年二月二十五日修玉牒臣

之柔請進第七世仙源類譜從之

書目天源類譜一

卷起僖祖訖英宗以熙寧廟系圖附其後

熙寧宗藩慶系錄

紹興太祖慶系
中興聖統

熙寧三年

一作元年十一月十八日

六月十八日宗寺言每歲正月

一日裝寫仙源積慶圖宗藩慶緒錄

元祐六年八月十一日已亥改慶系

錄送龍圖天章寶文閣

如漢宗正
歲上名籍

今祖宗非祖免親不

賜名授官請定所修圖冊詔太常禮院詳定禮官言聖
王於其族上殺而殫於六世以明親疎之異記其源流
百世不紊以著世系之同親疎異則恩禮不得不異世
系同則圖籍不得不同系以姓而不別綴以食而弗殊
周道然也鄭元注系之以姓謂若今宗室屬籍蓋據宗
正歲上名籍又今皇宗祖廟雖毀子孫皆於宗寺附
籍歲送宗寺遠近之恩有差而譜牒之紀不可不存況
皇族授官之制不與匹庶法則屬雖疏而恩禮不絕

請仍舊修入圖錄在外者宗寺歲時取附籍從之 紹

興五年六月丁巳十五宗寺上編修太祖慶系四冊八

年續修十年閏六月續修上之又搜訪慶緒錄及宗正班位宗女宗婦簿十五

冊送二十年五月己丑八玉牒所王暉等上皇帝中興

聖統權奉安於景靈宮天興殿其後建玉牒殿淳熙元

年十二月乙巳十六進三祖下五世慶系錄十三年十

一月二十一日一云九月甲子又進嘉定十三年五月又進并憲

聖慈烈皇后 紹興八年五月六日柴宗愈上中興聖

聖德事迹

統博采傳記序次詳明

元豐宗室世表

元豐四年八月二十七日趙彥若司馬光同修百
官公卿表十卷彥若又修成宗室世表三卷上之
賜銀幣 紹興三年六月二十三日太宗承謝伋
請下州縣索名籍修玉牒或先為宗室世表攷天
下從之 楊傑作宗室世系表首著諡號名推爵
德也屬次之親親也子孫次之源深而流長也

宗室撰名並用兩字內一字相聯以別源派異昭穆熙寧二年十一月甲戌詔非袒免以下並罷賜名授官而天支訓名皆無定制元祐七年九月甲午宗寺建言於是聯名之制始定屬籍諸王書以銷金白綾紙銀軸紅錦褱帶黑漆塗銀匣銀鑲鑰公侯以下白綾紙牙軸宅如諸王漢有王子侯表唐有宗室世系表漢表止於王侯王侯以降族裔不可得知唐表略於明皇明皇以後本支不可得詳慶仙源之遠則

親親之誼不可忘思祖烈之貽則繼繼之心不敢
怠

紹興仙源慶系屬籍總要

紹興五年四月二十六日少卿范冲等修纂仙源慶系
屬籍總要一太祖太宗一秦王一母氏一始生一宗婦

一宗女一宮院一官爵一壽考一賜諡十一月辛未上

之宗丞孫緯進扶

類書之各為一條

分八年十二月十七日少卿張絢

請續修從之十一年十月戊寅

十三日

宗丞邵大受言周

官小宗伯掌三族辨親疏小史奠繫世辨昭穆漢唐以來建寺設官循古制也國朝宗寺舊掌之書有四曰皇宋玉牒曰仙源積慶圖曰宗藩慶系錄曰宗支屬籍建炎南渡四書逸於江滸比命蒐訪闕遺重加修纂賜名總要合圖錄屬籍三者而一之而玉牒獨闕請裒次以備中興盛典從之九年正月少卿鄭剛中言三京宗司所報與舊書抵牾請新舊俱存從之十二年五月命起居舍人楊愿兼修玉牒十一月丁未范

雱為校書郎兼檢討 裳裳者華其葉湑兮氣相
屬潤相滋也常棣之華鄂不韡韡體相親意相承
也

典故

會要

古者朝廷之政發號施令百司奉之藏于官府各修
其職守而弗忘周官御史掌治朝之法太史掌萬民
之約契然則百官庶府各藏其事太史之職又總而
掌之漢時定律令制章程定儀法條流派別制度漸

廣

夏政典

書胤征政典曰先時者不及時者殺無赦注政典夏后
為政之典籍若周官六卿之治典先時謂歷象之法四
時節氣弦望晦朔先天時則罪死不赦不及謂歷象後
天時雖治其官苟有先後之差則無赦況廢官乎疏胤
侯夏之卿士引政典而不言古典則當時之書

禹有典
有則貽

厥子

周禮大宰建邦六典四曰政典以平邦國正百

官均萬民

殷冊書典籍

書多士惟殷先人有冊有典注殷先世有冊書典籍
康誥罰蔽殷彝注用殷家常法請典刑故事 晉語陽
人有夏商之嗣典

周六典

周禮大宰掌建邦之六典治教禮政刑事乃施典于邦
國 小宰掌邦之六典之貳 司書掌邦之六典 大

史掌邦之六典

周政 周法

漢志儒家周政六篇周時法度政教周法九篇法天地
立百官河間周制十八篇河間獻王所述

魯象魏舊章 魯故事 晉故府 周記府

象魏制

左傳哀三年夏五月

辛卯

司鐸火火踰公宮季孫至御公

立於象魏之外命藏象魏曰舊章不可忘也注周禮正

月縣教治之法于象魏使萬民觀之故謂其書為象魏

晉士伯曰吾視諸故府禮記檀弓夫魯有初注初

謂故事也禮運仲尼出游於觀之上注象魏舊章之

處周語樊穆仲曰魯侯賦事行刑必問於遺訓而咨

於故實

史世家作固實

史記蒙恬傳成王觀於記府得周公

旦書陳肅慎氏矢求之故府果得之晉志熊遠奏周

建象魏之制漢創畫一之法劉頌上疏夏殷及周書法

象魏魯語非故也

注云故事也

楚故志 訓典

楚語莊王使士亹傳太子箴問於申叔時叔時曰教之

故志使知廢興而戒懼焉

注故志所記前代成敗之書

教之訓典使

知族類行比義焉

訓典五帝之書也又王孫圉曰左史倚相能道訓典以敘百物以朝夕獻

善敗于寡君寡君無忘先王之業

戰國策楚蒙穀負雞次之典蒙穀

獻典五官得法趙牛贊諫曰國有固籍兵有常經 左

傳為教為宰擇楚國之令典王子朝奉周之典籍以奔

楚 呂氏春秋荆王發平府而視故記 文選王簡棲

云擇方城之全典酌龜蒙之故實

注方城楚也
龜蒙魯也

漢故事詔書

魏相傳宣帝始親萬機而相總領衆職甚稱上意好觀
漢故事及便宜章奏以為古今異制

元康中

方今務在奉

行故事而已數條漢興以來國家便宜行事及賢臣賈

誼晁錯董仲舒所言奏請施行之曰竊伏觀先帝

孝昭帝

聖德仁恩之厚勤勞天下垂意黎庶憂水旱之災為民
貧窮發倉廩振乏餽遣諫大夫博士循行天下察風俗

舉賢良平冤獄冠蓋交道省諸用寬租賦弛山澤陂池
禁秣馬酤酒貯積所以周急繼困慰安元元便利百姓
之道甚備相不能悉陳昧死奏故事詔書凡二十三事

見詔

上施行其策相又奏天子之義必純取法天地而

觀於先聖高皇帝所述書天子所服第八注如淳曰第

八天子衣服之制也於施行詔書第八

表地節三年六月魏相代韋賢

為相封高平侯

列傳朱博曰故事封丞相不滿千戶 孔光

為尚書觀故事品式數歲明習漢制及法令 弘恭習

法令故事 史外戚世家褚先生曰臣為郎時問習漢

家故事者 陸澄曰周稱舊章漢言故事

漢家故事常以列侯尚主

漢孝文故事

章紀永平十八年冬十二月癸巳有司奏言宜尊孝明
帝廟曰顯宗進武德舞如孝文皇帝祫祭高廟故事

鼂錯傳為太常掌故注應劭曰掌故六百石吏主故事

漢武帝故事

郊祀志宣帝修武帝故事盛車服敬齊祠之禮頗作歌

詩 列傳何武宣帝時王褒作中和樂職宣布詩武共
習歌之宣帝循武帝故事求通達茂異士召見武等於
宣室 王吉宣帝頗修武帝故事宮室衣服盛於昭帝
時 王褒宣帝時修武帝故事講論六藝羣書褒待詔
金馬門 劉向宣帝循武帝故事詔選名儒俊材置左
右更生以通達能屬文辭與王褒等進對 張放鴻嘉
中上欲遵武帝故事與近臣游宴 後竇固傳明帝欲
遵武帝故事擊匈奴通西域以固明習邊事 祭祀志

建武三十二年求元封時封禪故事 唐志漢武帝故

事二卷

隋志同

崇文目五卷班固撰本題二篇今世誤

析為五篇 書目五卷雜記武帝舊事及神怪之

說末略載宣帝事 通鑑考異漢武故事後人為

之托班固名語多誕忘非固書

漢武故事二卷世言班固撰唐張柬

之之書洞冥記後云漢武故事王儉造

尚書先發副封故事也魏

相白去之歲漕關東穀四百萬斛故事也壽昌奏

省焉

漢建武永平故事

舊制

列傳侯霸建武四年拜尚書令時無故典朝廷又少舊臣霸明習故事收錄遺文條奏前世善政法度有益於時者皆施行之每春下寬大之詔奉四方之令皆霸所建也 張純在朝歷世明習故事

前傳云明習漢家制度故事

建武

初舊章多闕每有疑議輒以訪純自郊廟昏冠喪紀禮

儀多所正定

六年純奏漢舊制三年一袷

郭賀建武中為尚書令

在職六年曉習故事 陳寵初為尚書是時承永平故

事吏政尚嚴切尚書決事率近於重子忠建光中尚書
令奏光武絕告寧之典宜復建武故事忠上疏云云 帝
紀明帝遵奉建武制度無敢違者後宮之家不得封侯
與政論曰明帝善刑理法令分明日晏坐朝幽枉必達
內外無倖曲之私在上無矜大之色斷獄得情號居前
代十二故後之言事者莫不先建武永平之政 順帝
永建四年二月戊戌詔以民入山鑿石發泄藏氣敕有
司檢察所當禁絕如建武永平故事 桓帝永興二年

二月癸卯詔興服申明舊令如永平故事 唐志建武

故事三卷永平故事二卷又漢建武律令故事三卷

紀光武建武元年即位告天地采用元始中郊祭故事

十三年詔曰漢家舊制丞相拜日封為列侯 章帝元

和二年五月戊申詔神爵甘露屢臻祖宗舊事或班恩

施其賜爵建初五年夏五月辛亥詔曰朕思遲賢士仄

席異聞其先至者皆已發憤吐懣略聞子大夫之志矣

皆欲置之左右顧問省納建武詔書曰堯試臣以職不

直以言語筆札令外官多曠並可以補任 列傳劉祐

補尚書侍郎閑練故事 杜林議郊祀曰祖宗故事所

宜因循 伏湛拜尚書使典定舊制 班固北單于求

和固議曰建武之世復修舊典依故事復遣使者

襄楷上疏永平舊典先請後刑 袁安上封事曰漢故

事供給南單于費直歲一億九千餘萬西域歲七千四

百八十萬 朱穆案漢故事中常侍參選士人 胡廣

舊章憲式無所不覽 李法上疏和帝以為朝政苛碎

達永平建初故事 李固對策曰梁氏子弟榮顯無加

永平建初故事殆不如此 清河王慶永元四年帝將

誅竇氏欲得外戚傳令慶求之又令慶求索故事 濟

北王壽和帝遵肅宗故事兄弟皆留京師恩寵篤密

楊秉言舊典中臣子弟不得居位 班勇上議宜復置

護西域副校尉如永元故事 王允集漢朝舊事當施

用者奏之 蔡邕封事曰孝元策書曰禮之至敬莫重

於祭又元和故事復申先典前後制書推心懇惻馬融

廣成頌曰刊禁臺之秘藏發天府之官常由質要之故
業率典刑之舊章 歷志孝章歷度審正宜如甲寅詔
書故事 通典漢魏故事皇太子稱臣

漢南宮故事 臺閣故事

列傳陳忠為尚書令前後所奏條於南宮閣上以為故
事 鄭弘建初中為尚書令前後所陳有益王政者著
之南宮以為故事 楊賜去位帝徙南宮閱錄故事得
賜所上奏及侍講注籍 楊秉曰漢世故事三公之職無所不統 黃香久

習舊事和帝留為尚書令

文苑

黃瓊隨父在臺閣習見

故事及為尚書僕射練達官曹

左雄掌納言每有章

表奏議臺閣以為故事雄言案尚書故事無阿母封邑

之制陽球補尚書侍郎開達故事章奏處議為臺閣

所崇信

酷吏

樊準為尚書令明習故事

謝承漢書明

帝條李壽前後所上便宜為南宮故事

前傳丙

吉曰西河太守杜延年明法度曉國家故事孔

光曰竊見國家故事尚書以久次轉遷非有殊絕之

能不相踰越光領尚書守法度修故事 陳遵日出醉

歸曹事數廢西曹以故事適之故事有百適者斥注舊

法令 成帝詔尚書奏文帝時誅將軍薄昭故事 尚

書閭章曉舊典

漢甘露故事 石渠故事

見白虎通議

漢官禮儀故事 尚書舊事

見律令

應劭傳時始遷都于許舊章堙沒書記罕存劭慨然歎

息乃綴集所聞著漢官禮儀故事凡朝廷制度百官典

式多劭所立 唐志應劭漢官五卷漢官儀十卷

中興書目

今存一卷載光武以來三公百官名氏李臺續補一卷

華嶠漢書應奉著後序

十餘篇子劭撰述風俗通等凡百餘篇 續漢書應劭

著中漢輯叙漢官儀及禮儀故事凡十一種百三十

六卷朝廷制度百官典式所以不亡者由劭記之

楊惲傳遷中郎將郎官故事令郎出錢市財用給文書

乃得出名曰山郎移病盡一日輒償一沐惲罷山郎移

長度大司農以給財用其休謁洗沐皆以法令從事

蜀志孟光長於漢家舊典 杜佑上壽樂議引漢故事

上壽四會曲

漢丞相故事

見辟士
四科

馬將軍故事

馬援傳為伏波將軍所過輒為郡縣治城郭穿渠以利
民條奏越律與漢律駁者十餘事與越人申明舊制以
約束之自後駱越奉行馬將軍故事 列傳陳忠上疏

曰漢典舊事丞相所請靡有不聽 何敞說宋由曰二

府以為故事三公不與賊盜 楊秉上疏云云尚書召對
掾屬曰公府外職而奏劾近官經典漢制有故事乎秉
使對曰漢世故事三公之職無所不統尚書不能詰
前傳薛宣為相府辭訟例不滿萬錢不為移書後皆遵
用 杜欽建九女之制太后以為故事無有

漢三輔舊事 禮儀風俗

韋彪傳

扶風平陵人

肅宗建初七年車駕西狩行太常數召

入問以三輔舊事禮儀風俗彪因建言追錄高祖中宗

功臣彪著書十二篇號韋卿子

馬援傳善述前世行事三輔長者自太子諸王

侍聞者屬耳忘倦

唐志故事類韋氏三輔舊事一卷地理類

始于三輔黃圖一卷又有三輔舊事三卷 隋志地理

類三輔故事二卷晉世撰 武帝元鼎二年春柏梁臺

師古引三輔舊事 昭紀始元元年弄田臣瓚引西京

故事弄田在未央宮中 儒林傳石渠閣師古引三輔

故事 班固傳注文選注皆引之 唐禮志賈曾議引

三輔故事祭于園丘上帝后土位皆南面

會要云三輔故事漢祭園

儀丘

漢蔡邕獨斷

蔡邕傳著獨斷勸學書目二卷采前古及漢以來
典章制度品式稱謂攷證辨釋凡數百事其書間有顛
錯嘉祐中余擇中更為次序釋以已說故別本題新定
獨斷 光武紀注引之

漢事

應奉傳注

見雜史

蔡邕傳馬日磾曰伯喈多識漢事當

續成後史為一代大典邕撰集漢事作靈紀及十意

又補

諸列傳四十二篇

胡廣傳注漢雜事曰羣臣書四品 唐志

故事秦漢以來舊事八卷

隋志十卷 漢魏吳蜀舊事八卷

雜史後漢

雜事十卷 魏志注引魏武故事 班超傳注引西河

舊事

晉故事 公卿故事

唐志晉太始大康故事八卷孔愉晉建武咸和咸康故

事四卷

隋志晉咸和咸康故事四卷孔愉撰

晉建武以來故事三卷

隋志建武

故事 晉氏故事三卷 晉朝雜事二卷 隋志同 舊唐志

一卷 晉故事四十三卷 隋志同 晉諸雜故事二十二卷 晉宋

舊事一百二十卷 南史庾詵撰 晉朝雜事五卷 晉

傳暢為公卿故事九卷 隋志傳暢公卿禮秩故事 宋禮志引故事

晉臺省故事

荀崧傳元帝時上疏武帝崇儒興學臺省有宗廟太府
金墉故事太學有石經古文 列傳裴秀創制朝儀廣
陳刑政朝廷遵為故事 刁協久在中朝諳練舊事凡

制度皆稟協 王隱父銓私錄晉事未就而卒隱受父
業西都舊事多所諳究太興初令撰晉史 王導料檢
中書故事見周顗表

唐故事十七家

志故事類十七家四十三部四百九十六卷始於秦漢
以來舊事終於王方慶南宮故事秦漢以來舊事八卷
武帝二卷建武永平五卷諸王奏事十卷而韋氏之三
輔舊事葛洪之西京雜記應劭之漢朝駁附焉漢魏吳

蜀舊事八卷魏名臣奏事訪議南臺奏事總四十二卷
廷尉決事十卷晉泰始太康建武以來故事雜議要事
晉宋舊事華林故事名總二百二十六卷又有交州中
興伐逆陶公郝太尉及春坊舊事而孔愉之建武咸康
車灌盧緄張敞范汪之山陵八王四王東宮尚書劉道
蒼之先朝溫子昇蕭大圜之梁魏應詹王愆期之江南
襄陽上都武后之述聖紀杜正倫春坊要錄王方慶南
宮故事以至僧無名之天正舊事附焉

失姓名二十五家

不著

錄自裴矩馬總張齊賢盧若虛令狐德棻敬播而下及
劉禕之張大業王方慶李仁實謝偃陳諫終於丘據涼
公錄凡十六家九十卷 隋志舊事二十五部 六典
自漢武故事等二十部四百四卷 舊志列代故事四
十二家 中興書目一百二十六家七百三十六卷

唐六典

志職官類六典三十卷開元十年起居舍人陸堅被詔
集賢院修六典玄宗手寫六條曰理典教典禮典刑典

政典事典張說知院委徐堅經歲無規制乃命母舅余
欽咸廩業孫李良韋述參撰始以今式象周禮六官為
制十九年三月蕭嵩知院加劉鄭蘭蕭晟盧若虛張九
齡知院加陸善經李林甫代九齡加苑咸二十六年書
成

集賢注記云二十六年奏草上詔下有
司百寮表賀至今在書院亦不行用

韋述傳張

說既領集賢院薦述為直學士先是詔修六典徐堅造
意歲餘未成疑曰吾更修七書而六典歷年未有所適
及蕭嵩之引述撰定始以今式象周禮六官官領其屬

事歸於職規制遂定 賀知章傳張說為麗正殿修書
使薦知章徐堅趙冬曦入院撰六典 會要開元二十

六年二月中書令張九齡撰六典三十卷成百官稱賀

九齡二十三年已
罷中書令當攷

大要書三十卷歷十六年知院四人

參撰官十二人內自省臺寺監外逮鎮戍嶽瀆關津上

自三師三公至今丞曹掾簿尉貞元二年定班序每班

以尚書省為首及監察洎祭元和元年十二月高郢奏

警嚴及牛僧孺奏升諫議為三品皆据六典會昌六年

九月博士胡德章議案開元六典敕曰法以周官作為

唐典

通典以三師三公門下中書兩省為先會要亦以兩省為首惟六典準周禮六官以尚書省居上

宋朝熙寧十年九月命劉摯等校六典元豐元年正

月成上之三年禁中鏤板以摹本賜近臣及館閣 曾

鞏曰其本原設官因革之詳上及唐虞以至開元其文

不煩其實甚備可謂善述作者此書其前有序明皇自

撰篇首皆曰御撰李林甫等注

第四一篇則曰張九齡等奉敕撰

書

目皇朝趙氏訂正為唐典備對六卷 天禧二年正月

庚戌中丞趙安仁請修國朝六典從之五月安仁卒六典不及成崇寧元年六月二十九日詔修六典亦不就

見官名

唐政典

止戈記

志類書類劉秩政典三十五卷止戈記七卷

秩至德初為給事中

劉秩傳著政典止戈記至德新議

十二卷

凡數十篇

唐通典 理道要訣

志類書類杜佑通典二百卷 杜佑傳佑資嗜學雖貴

猶夜分讀書先是劉秩撫百家俾六官法為政典三十
五篇房琯稱其才過劉向佑以為未盡因廣其缺參益
新禮為二百篇自號通典奏之優詔褒美儒者服其書
約而詳 會要貞元十九年二月淮南節度使杜佑撰
通典二百卷上之其書凡九門敘食貨十二篇禮百篇
樂七篇兵六篇刑七篇州縣十四篇邊防十六篇識者
知其必登公輔之位

舊紀貞元十七年十月庚戌淮南
節度使杜佑進通典凡九門二百

卷

今通典食貨十二卷選舉六卷職官十二卷禮一

百卷樂七卷兵十五卷刑八卷州縣十四卷邊防十六

卷貞元十年表上

中興舊目云通典貞元十年撰以事分類

左補闕李翰序

曰凡八門勒成二百卷非聖之書不取事非經國不錄
佑自叙曰所纂通典實採羣言徵諸人事夫理道之先
在乎行教化教化之本在乎足衣食洪範八政一食二
貨夫子曰既富而教斯之謂矣夫行教化在乎設職官
設職官在乎審官才審官才在乎精選舉制禮以端其
俗立樂以和其心此先哲王致治之大方也故職官設

然後興禮樂焉教化隳然後用刑罰焉列州郡俾分領
焉置邊防遏戎敵焉是以食貨為之首選舉次之職官
又次之禮又次之樂又次之刑又次之

大刑用甲兵十五卷其次五刑

八州郡又次之邊防末之或覽之者庶知篇第之旨也

本初纂錄止於天寶之末其有要須議論者亦便及以後之事

志雜家杜佑理道要

訣十卷 佑表曰竊思理道不錄空言由是累記修纂

通典包羅數千年事探討禮法刑政遂成二百卷先已
奉進從去年春末更於二百卷中纂成十卷目曰理道

要訣凡三十三篇

書目云三十二篇

詳古今之要酌時宜可行

貞元十九年二月十八日上佑自序曰隋季文博理道

集

唐志法家類治道集十卷

多主於規諫而畧於體要臣頗探政理

竊究始終遂假問荅方冀發明第一至第三食貨四選

舉命官五禮教六封建州郡七兵刑八邊防九十古今

異制議

權德輿以為誕章閎議錯綜古今經世立言之旨備焉朱文公謂非古是今之書

唐理典

會要貞元十一年八月司業裴澄撰乘輿月令十二卷

理典十二卷上之

舊紀閏八月己丑表上

唐典 聖典

志雜史類王彥威唐典七十卷儒家楊浚聖典三卷校

書郎開元中上

天聖四年閏五月宋綬錄進

會要太和二年二月

戶部侍郎王彥威以所撰唐典七十卷上之起武德終

永貞 舊史王彥威集國初以來至貞元帝代功臣如

左氏傳體叙事號曰唐典

紀開成二年二月戊申進

唐貞觀故事

會要神龍元年三月三日制書一事已上並依貞觀故事景雲二年七月置都督崔涖議曰貞觀故事足可依行桓彥範傳神龍初對曰陛下龍飛下制云軍國政化並依貞觀故事李翱傳條興復太平大略曰復高祖太宗舊制用忠正屏邪佞改稅法不督錢而納布帛絕進獻寬租賦厚邊兵數引待制官問以時事任骨鯁正直與之修復故事陸贄奏議人到于今論理道之崇則必慕貞觀之故事崇文目中朝故事

一卷

唐貞觀開元故事

舊史蔣係曰憲宗嗣位之初讀列聖寶錄見貞觀開元故事竦慕不能釋卷顧謂丞相曰太宗之創業如此玄宗之致理如此既覽國史乃知萬倍不如先聖先聖之代猶須宰輔同心輔助豈朕今日獨能為理哉自是延英議政晝漏率下五六刻乃退官志元和四年集賢院學士直學士皆用五品如開元故事宣宗感章武

舊事振拔元和大臣子孫

唐南宮故事 官卿舊事 天官舊事

志故事類王方慶南宮故事十二卷又盧若虛三十卷

職官類王方慶官卿舊事一卷劉貺天官舊事一卷雜

傳記有劉餗國朝傳記三卷

傳記凡一百九十事

國朝舊事四十

卷 集賢注記開元十九年三月盧若虛入集賢院修

撰博綜墳史尤明族姓撰南宮故事

劉鄭蘭私撰南宮故事一卷 南史

梁丘仲孚為左丞撰皇典
二十卷南宮故事一百卷

唐具員故事

志梁載言撰十卷 書目具員故事七卷鳳閣舍人梁

載言紀唐朝官號歷代沿革事迹

崇文目十卷
三卷今缺

唐翰林故事

書目翰林故事一卷貞元二年學士韋執誼撰述貞觀
以來翰苑建置沿革記云自立此院連飛繼鳴者逾三
十人因以官秩名氏次叙為故事今是書名氏皆缺翰
林學士記一卷長慶元年韋處厚撰論得人之意承旨

學士院記一卷元稹撰記云以十一賢名氏書坐隅今
名氏皆缺 崇文目翰林盛事一卷唐張著撰記唐朝
儒臣美事凡三十八

唐臺閣舊事

盧簡辭傳遷侍御史習知法令及臺閣舊事 會要景
龍元年中書侍郎蕭至忠上疏臣見貞觀永徽故事宰
相子弟多居外職 李德裕曰公卿子弟臺閣之儀不
教自成

唐元和故事

通鑑大中元年六月知制誥令狐綯入謝上問以元和故事綯條對甚悉上悅遂有大用之意

唐會粹

鄭虔傳天寶初集擬當世事著書八十餘篇有告虔私撰國史虔焚之虔追紬故書可誌者得四十餘篇國子

司業蘇源明名其書為會粹

杜甫詩云叢書要索貨類引之

唐百司舉要

志職官類李吉甫元和百司舉要一卷

元和八年二月
宰臣吉甫上

書目一卷取唐興以來百官名品集成此書 舊史

纂六典諸職為百司舉要一卷奏上之

唐御史臺雜注

舊史杜易簡撰五卷

唐文場盛事

書目一卷不知作者載唐人世取科第及父子兄弟門
生座主同時者

唐開元天寶遺事

書目一卷五代唐王仁裕采摭前史不載者凡一百五十九條開元傳信記一卷鄭棨撰載開元天寶事迹

唐故事稽疑

崇文目十卷 咸鎬故事一卷唐韋慎微撰纂長安自元日至除夜朝廷慶賀事

唐會要

志類書類蘇冕會要四十卷

貞元中杭州刺史蘇弁與兄冕繼國朝故事為是書

弁先聚書至二萬卷皆手自刊正至今言蘇氏書次於集賢芸閣

續會要四十卷楊紹

復裴德融崔瑒薛逢鄭言周膚敏薛廷望于珪于球等

撰崔鉉監修

會要云大中七年十月左僕射崔鉉及修撰官楊紹復等賜物有差中興書目云

記德宗以後至大中六年事迹補蘇冕前錄之缺

建隆新編唐會要 五代會要

漢會要

建隆二年正月丁未司空平章監修國史王溥等上新

編唐會要一百卷

始於帝號終於夷狄

文簡理備太祖嘉之詔藏

史館賜物有差

德宗時蘇冕始撰四十卷宣宗時崔鉉又續四十卷至是得采宣宗以降故事

共勒成百卷

書目云起武德迄太和

溥又采梁開平

補蘇崔二書之缺

國有大政必稽焉

至周顯德事蹟為五代會要三十卷乾德元年

即建隆四年

七月甲寅上之授君臣事迹以類詮次詔付史館

嘉定四年九月徐天麟表進所編西漢會要七十卷目

錄二卷總為十五門分三百六十有七事十一月丁卯

有旨藏秘閣三館看詳謂詳於西漢而略於東都猶為

缺典寶慶三年六月天麟為武學博士表進東漢會要

四十卷目錄一卷

總十
五門

宋朝龍飛故事 建隆遺事

書目龍飛故事一卷集賢殿大學士趙普紀載太祖龍
飛事迹建隆遺事一卷翰林學士王禹偁述太祖事迹
十四條 洪禴纂太祖創業故事十二卷凡二百三十
七條不克上子興祖隨事著論訓釋又後錄一卷附

乾德名臣事迹

乾德元年十月吏部尚書張昭上新撰名臣事迹五卷

詔藏史館

咸平續修通典

咸平三年十月監修國史李沆請命官續修通典己未
詔翰林承旨宋白知制誥李宗諤編修白等又請命舒
雅楊億李維石中立任隨同編修杜鎬檢討先是淳化
中命翰林學士蘇易簡與三館文學之士續修此書會
易簡等各涖官務尋罷至是復纂四年九月丙戌書成
白等上之凡二百卷目錄二卷詔藏祕府命中使就祕

閤張宴以勞之賜白等器幣起唐至德初至周顯德末
凡食貨二十選舉十二職官六十三禮四十樂五兵十
二刑十一州郡二十六邊防十一時論非其重複不以
傳布

景祐中書總例 元豐中書備對

景祐二年九月己酉參政宋綬編修中書總例四百一
十九冊上之詔褒之

呂夷簡奏
為此書

皇祐五年十二月續編

二十六冊 嘉祐三年閏十二月己丑詔中書五房編總例

從韓琦請也六年參政歐陽修與琦同心輔政凡兵民
官吏財利之要中書所當知集為總目遇事不復求之
有司 元豐三年八月戊子檢正畢仲衍奏周官冢宰
歲終令百官府正其治受其會而詔王廢置小宰受羣
吏之要宰夫以八職待王之詔今可謂約而詳漢唐莫
克議此故有錢穀決獄不克對者創自審意俾加纂集
一本云元年閏正月命檢正畢仲衍編修中書備對凡為一百二十五門附五十
八事分為六卷事目多者分上中下共為十卷八月十

二日庚子詔寫一本納執政分令諸房揭貼上以此書乃

臣備君問不當奏御詔納執政大觀四年六月二十日

命左右司儆前制修書十一月右僕射張商英請編熙

豐政事號皇宋政典戊寅置局尚書省書目中書備

對十卷畢仲衍承詔編次國家內外官制諸道賦入禮

儀法律等凡一百二十五門宰相吳充以聖問多出意表請為此書

慶厯國朝會要 元豐增修 五朝

天聖八年七月丁巳詔史官修國朝會要明道二年十

二月癸巳命參政宋綬看詳修纂康定元年四月己亥

命綬同提舉編修景祐四年六月甲申命史館檢討王

洙編修慶厯四年四月己酉修國史章得象上新修國

朝會要一百五十卷

一本云編修官王洙纂建隆以來止慶厯三年凡八十五年以

編修官王洙兼直龍圖閣賜三品服

制度沿革小大畢錄

會要止

修至慶厯三年後事莫述

熙寧三年九月十六日翰

林學士王珪請續修慶厯四年以後止熙寧三年

時編修院

修國史詔於崇文院修纂

仍

珪以舊書尚有遺事所

詔增修至十年凡三十四年

載頗多吏文因略加增損凡十二年乃成

一本云熙寧十年十二月

戊子命李德芻陳知彥修會要於崇文院置局先是命王存林希

元豐四年九月己亥

宰臣王珪上之

表云禮樂政令之大綱儀物事為之細目帝后以底臣庶朝廷施于蠻夷有關

討論顧無不載信疊矩重規之威使遺訓故實之求會粹之書舉綱撮要續慶厯四年止

熙寧十年通舊增損成三百卷總二十一類別為八百

五十五門文簡事詳紀載有法後莫能及

編修李德芻陳知彥遷秩

一本云元豐四年八月二十五日進呈於延和殿

二十一類

帝系后妃禮

分為五

樂輿服儀制崇儒運厯

瑞異職官選舉道釋食貨刑法兵方域蕃夷 元符三

年十二月甲辰徽宗詔秘書省

詔即秘書省置局

命王覲曾肇

續編元豐至元符又詔起治平四年止崇寧五年凡四

十年二書皆弗克成

政和八年十二月丁未有司獨

上帝系后妃吉禮三類凡一百一十一卷

并目錄

其書通

章得象王珪所編稍益以熙寧後事

累朝已成之書通加刪改

皇朝衣冠盛事

錢明逸載建隆以來訖熙寧衣冠盛事一卷有景靈宮

五朝繪像功臣姓名附於後

紹興麟臺故事

唐韋述作集賢注記元祐中宋匪躬作館閣錄紹興元年九月十九日祕書少監程俱上麟臺故事五卷

十二篇

淳熙四年秋陳騭續為館閣錄十卷記沿革省舍儲藏修纂撰述故實官聯廩祿職掌

宋程皆祖韋氏而宋錄後四卷俄空焉紹興

元年二月丙戌復祕書省

乾道續四朝會要

紹興三年四月靜江守臣許中上政和重修會要一百
十卷九年詔館職續編三十一年正月庚寅上曰會要
乃祖宗故事之統轄不可缺宜自元豐後續為之舊書
分門有法不必改壬寅命館職自元豐元年以後編次
乾道五年四月戊子祕書少監汪大猷言蔡攸所修自
元豐至政和吉禮妄有刪改欲再刪定以續會要為名
從之六年五月己未宰臣虞允文上之斷自神宗之初
訖于靖康之末凡六十年總二百卷分二十一類六百

六十六門

綴集於散亡之餘十僅得其六七
命宰臣提舉閱再歲乃成書

乾道中興會要

乾道九年七月自建炎初元續修成書二百卷八月丙

申右相梁克家等上之進呈於垂拱殿九月秘書少監

陳騭請名曰中興會要

自建炎元年至紹興三
十二年六月十一日

淳熙會要 嘉泰孝宗會要

初淳熙六年七月甲戌

十八日

進一百五十八卷十三年

十一月二十一日進一百三十卷紹熙三年十二月壬

寅進八十卷計三百六十八卷事雖備載而首尾前後
紛錯慶元六年閏二月二十五日秘丞邵文炳言孝宗
會要三書統紀未壹願彙次為全書制曰可越明年嘉
泰元年七月十一日書成上之凡二百卷

藏于秘閣

蓋比而

同之者六百九十有二條刪而正者二千八十有七條
潤色初緒凡三千八百十八條別門析類傳合者九芟
煩者四增多四十有六事詳文省紀綱制度粲然有章
序曰孝宗憲章前烈又我受民驟帝馳王跨越周漢

品式備具規摹宏遠詒謀垂範將億萬年天敘有典以
正罔缺熙朝簡冊煒燁相望繼今立政立事其一以孝
宗為準

慶元光宗會要

慶元六年二月戊寅

二十日

上太上會要

光宗

一百卷京鎧

等上自淳熙己酉二月迄紹熙甲寅七月總二十三類

三百六十四門

禮樂兵財之大原儒術刑法之要指

取賢欽才之品式設官分職之制度九州之別合四夷

之叛服槩見於斯

嘉泰寧宗會要

嘉泰三年八月二十一日進今上寧宗會要一百十五卷

嘉定六年閏九月二十七日進一百卷七年五月十六

日詔二年一具草繳進十四年五月壬辰九日進改正會

要一百十五卷及續修一百一十卷 淳祐二年上寧

宗會要

嘉定國朝會要

淳熙七年十月九日祕書少監汝愚言國朝會要續會
要中興會要今上會要分為四書去取不同詳畧各異
請合而為一俾辭簡事備勢順文貫從之 將作少監
張從祖類輯會要自國初至孝廟為一書凡二百
二十三冊五百八十八卷嘉定元年四月十六日
詔祕省寫進三年六月十六日上之 自昔帝王
之興必有一代之制著在方冊作則垂憲若夫國
有大典朝有大疑於是稽以為決操以為驗使損

益廢置之序離合因革之原不待廣詢博考一開
卷而盡見此會要之書所以不可廢也 會要之
書典故盡在所以彌縫律令之闕相為表裏 堯
舜聰明之君也首曰若稽古湯齊聖之君也而曰率
厥典書至高宗始言學而曰監于成憲詩至成王始言
極治而曰率由舊章道問學而咨故實有自來矣漢魏
相奏漢興以來詔書二十三事唐憲宗詔李絳等搜次
君臣成敗五十事懿我國朝以百代為元龜以烈祖為

寶鑑前朝事近於治道者詔儒臣日進五條慶厯故事也本朝事關治體者輪侍從日進一兩事建炎故事也王弗進楚令尹定國是之議洪适進仁宗朝久任監司之說乾道間故事也



玉海卷五十一

欽定四庫全書

子部
玉海卷五十二

詳校官給事中_臣查善長

主事_臣祁韻士覆勘

總校官進士_臣朱 鈐

校對官修撰_臣吳錫齡

謄錄監生_臣吳錫綏

欽定四庫全書

玉海卷五十二

宋 王應麟 撰

藝文

書目

藏書

劉歆著七畧荀勗分四部

合兵書術數方技於諸子
自春秋類槧出史記別為

一六藝諸子詩賦皆仍歆舊

其後歷代所編如王儉阮孝緒之徒

咸從歆例謝靈運任昉之徒咸從勗例唐之四庫亦

祖述勗而加詳焉歐陽公謂其始於開元誤矣

周策府

穆天子傳天子東還至羣玉之山容氏之所守先王所

謂策府

古帝王藏書策之府所謂藏之名山也

讀書於蒨丘口蠹書於羽

陵

注謂暴書中蠹蟲

序云登崑崙見西王母竹簡素絲皆是古

書

禮外史掌四方之志

志記也若魯春秋晉乘楚檮杌

掌三皇

五帝之書

所謂三墳五典

小史掌邦國之志

周志鄭書之屬

書大訓在西序河圖在東序記禮在瞽宗書在

上庠 左傳昭二年春韓宣子來聘觀書太史氏
見易象魯春秋曰周禮盡在魯 莊子孔子西戡
書於周室

周古今篇籍

漢儒林傳序周道既衰孔子興云云究觀古今篇籍乃
稱曰大哉堯之為君又曰吾從周於是敘書則斷堯典
稱樂則法韶舞論詩則首周南綴周之禮因魯春秋舉
十二公行事繩之以文武之道成一王法晚而好易讀

之韋編三絕而為之傳

仲尼之後春秋分為五詩分為四易有數家之傳

漢七畧 六畧 別錄

藝文志漢興大收篇籍廣開獻書之路

惠帝四年三月甲子除挾書律

應劭注挾藏也

孝武世書缺簡脫於是建藏書之策置寫書之

官

注如淳曰劉歆七畧曰外則有太常太史博士之藏內則延閣廣內祕室之府文選注劉歆七畧曰尚

書有青絲編目錄如山 孝武敕丞相公孫弘廣開獻書之路百年之間書積如山 歆移書曰孝文使晁錯受尚

書初出屋壁詩始萌芽天下衆書頗出皆諸子傳說猶廣立於學官為置博士至孝武然後鄒魯梁趙頗有詩

禮春秋先師皆起建元之間故詔書曰書缺簡脫朕甚閔焉 庚信有漢武帝藏書贊 下及諸子

傳說皆充祕府成帝以書頗散亡使陳農求遺書

成紀河平

三年八月乙卯光祿大夫劉向校中祕書謁者陳農使求遺書於天下

詔光祿大夫劉向

校經傳諸子詩賦步兵校尉任宏校兵書太史令尹咸

校數術侍醫李柱國校方技每一書已向輒條其篇目

錄而奏之會向卒哀帝復使子歆卒父業於是摠羣書

而奏其七畧故有輯畧六藝畧諸子畧詩賦畧兵書畧

術數畧方技畧六藝畧自易經十二篇易傳周氏服氏

楊氏蔡公韓氏王氏各二篇丁氏八篇至章句施孟梁

丘凡易十三家二百四十九篇秦燔書而易為筮卜之

事傳者不絕漢興田何傳之訖於宣元有施孟梁丘京

氏列於學官而民間多有費高二家之說劉向以中古

文易經校施孟梁丘

中者天子之書也

或脫去无咎悔亡自尚

書古文經次歐陽次夏侯章句議奏凡書九家四百一

十二篇

入劉向傳疑一篇

書者古之號令自詩經齊魯韓三家

次魯故魯說至毛詩故訓傳凡詩六家四百一十六卷

古者有采詩之官王者所以觀風俗知得失自考正也

自禮古經至議奏凡禮十三家五百五十五篇

入司馬法一家

百五十篇

帝王質文世有損益至周曲為之防事為之制

故曰禮經三百威儀三千周衰諸侯去其籍自樂記次

王禹記至雅琴師氏龍氏凡樂六家百六十五篇

出淮南劉

向等琴頌七篇

易曰先王作樂崇德殷薦之上帝以享祖考故

自黃帝下至三代樂各有名自春秋古經次公羊穀梁

左氏微至漢大年紀凡春秋二十三家九百四十八篇

省太史公四篇

古之王者世有史官君舉必書所以謹言行昭

法式也左史記事事為春秋言為尚書自論語古二十一篇次齊魯至孔子徒人圖法凡論語十二家二百二十九篇論語孔子應答弟子時人及弟子相與言而接聞於夫子之語自孝經古孔氏長孫江氏何氏至說三篇凡孝經十一家五十九篇孝經孔子為曾子陳孝道也自史籀八體六技次蒼頡凡將急就至杜林蒼頡故凡小學十家三十五篇

入揚雄杜林二家二篇

凡六藝九種一百

三家一百二十三篇

入三家一百五十九篇出篇重十一篇

六藝之文樂

以和神仁之表也詩以正言義之用也禮以明體明者
著見故無訓也書以廣聽知之術也春秋以斷事信之
符也序六藝為九種諸子畧自晏子子思至揚雄所序

儒五十三家八百三十六篇

入揚雄一家三十八篇
注三十一家戰國人二十

一家漢人內高祖傳十三篇注云高祖與大臣述
古語與詔策孝文傳十一篇文帝所稱及詔策 儒家

者流出於司徒之官助人君順陰陽明教化者也於道
最為高然惑者既失精微而辟者又隨時抑揚違離道
本苟以譁眾取寵自伊尹太公辛甲鬻子至楚子及道

家言道家三十七家九百九十三篇道家蓋出於史官
歷記成敗存亡古今禍福之道然後知秉要執本清虛
以自守卑弱以自持及放者為之則欲絕去禮學兼棄
仁義曰獨任清虛可以為治自宋司星子韋至雜陰陽
陰陽二十一家三百六十九篇陰陽者流蓋出於羲和
之官拘者為之則牽禁忌泥小數舍人事而任鬼神自
李悝商君至法家言法十家二百一十七篇法家者流
蓋出於理官信賞必罰以輔禮制及刻者為之專任刑

法欲以致治自鄧析尹文子至毛公名七家三十六篇
名家者流蓋出於禮官古者名位不同禮亦異數孔子
曰必也正名乎及警者為之則苟鉤鈇析亂而已自尹
佚田俅子至墨子墨六家八十六篇墨家者流蓋出於
清廟之守貴儉兼愛上賢右鬼非命上同及蔽者為之
因以非禮推兼愛之意而不知別親疎自蘇子張子至
莊安待詔金馬聊蒼凡縱橫家十二家百七篇縱橫家
者流蓋出於行人之官當權事制宜受命而不受辭及

邪人為之則上詐諛而棄其信自孔甲盤盂次大命

古禹

字言禹所作

至雜家言雜二十家四百三篇

入兵法

雜家蓋出

於議官兼儒墨合名法知國體之有在見王治之無不
貫及盪者為之則漫義而無所歸心自神農野老至祭
癸農九家百一十四篇農家者流出於農稷之官八政
曰食貨孔子曰所重民食及鄙者為之欲使君臣並耕
諄上下之序自伊尹說至虞初周說百家小說十五家
千三百八十篇小說者流蓋出於稗官街談巷語道聽

塗說者之所造也閭里小知者之所及亦使綴而不忘

或一言可采亦芻蕘狂夫之議凡諸子十種百八十九

家四千三百二十四篇

出雙鞠一家二十五篇

諸子十家其可觀

者九家而已異家各推所長窮知究慮以明其指雖有

蔽短合其要歸亦六經之支與流裔若能脩六藝之術

而觀此九家之言舍短取長則可以通萬方之畧矣詩

賦畧始屈原至王褒賦二十家三百六十二篇始陸賈

至朱宇賦二十一家二百七十四篇始孫卿至路恭二

十五家百三十六篇賦三種合六十六家七百七十二

篇自客主賦至隱書雜賦十二家二百三十三篇自高

祖歌詩至南郡詩二十八家三百一十四篇凡詩賦五

種

八揚雄
篇

百六家千三百一十八篇

內泰一雜甘泉壽
宮歌詩十二篇宗

廟歌詩
五篇

傳曰不歌而誦謂之賦登高能賦可以為大夫

古者諸侯卿大夫交接鄰國必稱詩以諭其志蓋以別

賢不肖而觀盛衰故孔子曰不學詩無以言也春秋之

後聘問歌詠不行於列國學詩之士逸在布衣而賢人

失志之賦作矣兵書畧自吳孫子兵法至韓信凡權謀

十三家二百五十九篇

省伊尹太公管子孫卿子鵬冠
蘇子蒯通陸賈淮南王二百九

十九種出司
馬法八種

自楚兵法至項王凡形勢十一家九十二

篇圖十八卷自大一兵法至辟兵威勝方陰陽十六家

二百四十九篇圖十卷自鮑子兵法至蹇鞠兵技巧十

三家百九十九篇

省墨子重八蹇
鞠餘見兵書

凡兵書五十三家七

百九十篇圖四十三卷

省十家一百七十一篇重八
一家十五篇出百五十五篇兵

家者蓋出古司馬之職王官之武備也術數畧自泰一

雜子星至圖書秘記天文二十一家四百四十五卷自
黃帝五家厯至杜忠筭術厯譜十八家六百六卷自太
一陰陽至五音定名五行三十一家六百五十二卷自
龜書至易卦八具著龜十五家四百一卷自黃帝長柳
占夢至種木藏果相蠶雜占十八家三百一十三卷自
山海經至相六畜刑法六家百二十二卷術數六種百
九十家二千五百二十八卷術數者皆明堂義和史卜
之職方技畧自黃帝內經至旁篇醫經七家二百一十

六篇自五藏六府方至食禁經方十二家二百七十四
卷自容成陰道至內房方房中八家百八十六卷自宓
戲至泰一黃冶神仙十家二百五卷凡方技三十六家
八百六十八卷方技者皆生生之具王官之一守也大
凡書六畧三十八種五百九十六家萬三千二百六十
九卷

入三家五十
篇省兵十家

劉向傳成帝即位向遷光祿大夫時

帝元舅王鳳為大將軍秉政倚太后專國權兄弟七人
皆封為列侯時數有大異向以為外戚貴盛之咎上方

精於詩書觀古文詔向領校中五經秘書向見尚書洪
範箕子為武王陳五行陰陽休咎之應向乃集上古以
來歷春秋六國至秦漢符瑞災異之說推迹行事連傳
禍福著其占驗比類相從各有條目凡十一篇號洪範
五行傳河平中劉歆受詔與父向領校秘書講六藝傳

記諸子術數方技無所不究

志注別錄云長社尉杜參同向校中秘書向死

哀帝即位復領五經卒父前業歆乃集六藝羣書種別

為七畧

丞相史尹咸以能治左氏與歆共校經傳

本傳贊七畧剖判藝文摠

百家之緒有意推本之也 叙傳班存為右曹中郎將

與劉向校秘書每奏事存以選受詔進讀群書上器其

能賜以秘書之副 隋志孝成命謁者陳農求遺書於

天下劉向校中秘書哀帝使子歆嗣父之業乃徙溫室

中書於天祿閣上歆遂總括羣書著為七畧大凡三萬

三千九十卷

又曰向別錄歆七畧
剖析條流各有其部

唐志劉向七畧別

錄二十卷劉歆七畧七卷

隋志同簿錄篇曰史官典籍
有目錄以為綱紀孔子刪書

別為之序韓毛
二詩亦皆相類

舊唐志劉更生石渠典校之書卷軸

無幾據歌之七畧在漢藝文志者裁三萬三千九百卷
後漢蘭臺石室東觀南宮諸儒撰集部類漸增西都
賦注引劉向七畧裴松之注蜀志亦引劉向七畧
文選注引劉歆七畧南史宋祕書丞王儉依七畧撰
七志四十卷表獻之又撰定元徽四部書目

漢七畧要籍 九流目錄

志劉歆奏七畧今刪其要以備篇籍注師古曰刪去浮
冗取其指要書家入劉向稽疑禮入司馬法樂出淮南

劉向等琴頌春秋省太史公小學家入揚雄杜林凡六
藝畧入三家一百五十九篇出篇重十一篇此六藝之
刪其要也兵權謀則省伊尹太公管子孫子鷙冠子蘓
子蒯通陸賈淮南王而出司馬法入禮兵技巧則省墨
子而入楚鞠凡兵書畧省十家二百七十一篇重入楚
鞠二十五篇此兵書之刪其要也至於儒家之入揚雄八
雜家之入兵法諸子家之出楚鞠詩賦家之入揚雄八
篇此諸子詩賦畧之刪其要也

師古曰凡言入者謂七
畧之外班氏新入之云

出者與
此同

按隋志七畧凡三萬三千九十卷藝文志之
末曰大凡書六畧三十八種五百九十六家萬三千二
百六十九卷八三家五十篇省兵十家 叙傳秦人是
滅漢修其缺劉向司籍九流以別爰著目錄畧序洪烈
張衡傳上疏劉向父子領校祕書閱定九流
亦無識錄 司馬談論六家要指陰陽儒墨名
法道德

漢蘭臺圖籍 經牒祕書

表御史中丞在殿中蘭臺掌圖籍秘書 禮小宰注若

今御史中丞疏應劭云秩千石朝會獨坐副貳御史大

夫內掌蘭臺圖籍外督刺史糾察百寮故舉漢法以況
之 通典漢氏圖籍所在有石渠石室延閣廣內貯之

於外府又御史中丞居殿中掌蘭臺秘書及麒麟天祿

二閣藏之於內禁後漢圖書在東觀延熹二年始置祕

書監一人典圖書屬太常

魏蘭臺亦藏書籍而御史掌之 薛夏云蘭臺為外臺祕

書為內閣 後五行志雲臺
周家所造圖書術籍所藏

後儒林傳光武遷洛其

經牒祕書載之二千餘兩自此之後參倍於前及董卓
移都自辟雍東觀蘭臺石室宣明鴻都諸藏典策文章
競共剖散王允所收裁七十餘乘道艱復棄其半長安
焚蕩莫不泯盡 史記秦撥去古文明堂石室金縢玉

版圖籍散亂

高紀元年冬十月還軍霸上蕭何盡收

秦丞相府圖籍文書

張安世傳上行幸河東嘗亡

書三篋詔問莫能知唯安世識之

後法真傳博通內

外圖典田弱薦真曰體兼四業

詩書禮樂也

學窮典奧

三輔故事天祿石渠閣在未央宮大殿北以藏祕書

劉歆曰古

文儒書藏

於祕府

漢西京圖籍

宋百官志漢西京圖籍所藏有天祿石渠蘭臺石室延

閣廣內之府是也東京圖書在東觀又云東京圖籍在東觀故使名儒碩

學著作東觀撰述國史

班固西都賦天祿石渠典籍之府

漢東觀仁壽閣新書

詳見宮室觀類

隋志光武中興篤好文雅明章繼軌尤重經術四方鴻

生鉅儒負袞自遠而至者不可勝算石室蘭臺彌以充積又以東觀及仁壽閣集新書校書郎班固傳毅等典掌焉並依七畧而為書部固又編之以為漢書藝文志董卓之亂獻帝西遷圖書縑帛軍人皆取為帷囊所收而西猶七十餘載後漢傳班昭就東觀藏書閣踵成漢書黃香詣東觀讀所未嘗見書竇章入東觀劉瑜上書曰陛下開東序金縢史官之書

魏中經 晉中經簿 四部 祕閣四部書

隋志魏氏代漢采掇遺亡藏在祕書中外三閣魏祕書

郎鄭默始制中經

默刪省舊文著魏中經時中書祕書令虞松曰而今而後朱紫別矣

監荀勗又因中經更著新簿分為四部摠括羣書一曰

甲部紀六藝及小學等書二曰乙部有古諸子家近世

子家兵書術數三曰丙部有史記舊事皇覽簿雜事四

曰丁部有詩賦圖讚汲冢書

勗傳云得汲冢中古文竹書詔勗撰次以為中經列

在祕書

穆天子傳序謹以二尺黃紙寫上請付祕書

繕寫藏之中經副在二閣春秋正義太康元年得竹

書七十五卷有周易上下經二卷紀年十二卷瑣語十一卷周王遊行五卷今謂穆天子傳此四部差為整頓

詔荀勗和嶠以隸字寫之

大凡四部合二萬九千九百四十五卷但

錄題及言盛以縹囊書用緗素至於作者之意無所論

辨勗與中書令張華依劉向別錄整理記籍

東晉之初漸更鳩聚著作郎李

充以勗舊簿校之其見存者但有三千一十四卷充遂

摠沒衆篇之名但以甲乙為次

充傳云字弘度為大著作郎時典籍混亂充刪

除煩重以類相從分作四部五經為甲史記為乙諸子為丙詩賦為丁甚有條貫祕閣以為永制

晉中

經十四卷荀勗撰

唐志云晉中經簿十四卷

晉義熙以來新集目錄

三卷

唐志丘深之歸藏案晉中經有之

續晉陽秋孝武寧康十六年

詔著作郎徐廣校祕閣四部見書凡三萬六千卷 魏志注周生烈所著述見晉武帝中經簿

晉撰定官書

張華傳嘗徙居載書三十乘祕書監摯虞撰定官書皆資華本以取正 荀崧傳西閣東序河圖祕書禁籍

志成帝建始四年置尚書五人一人為僕射四人分為四曹通掌圖書祕記章奏之事 文選注晉令曰祕書郎掌中外三閣經書 南史何憲該通羣籍天閣寶

祕無遺焉任昉劉渢共執祕閣四部書問其所知
自甲至丁莫見所遺任昉詩劉畧班藝虞志荀
錄

宋四部目錄七志

隋志其後中朝遺書稍流江左宋元嘉八年祕書監謝
靈運造四部目錄大凡六萬四千五百八十二卷元徽
元年祕書丞王儉又造目錄大凡萬五千七百四卷儉
又別撰七志一曰經典志紀六藝小學史記雜傳二曰

諸子志紀今古諸子三曰文翰志紀詩賦四曰軍書志

紀兵書五曰陰陽志紀陰陽圖緯六曰術藝志紀方技

七曰圖譜志紀地域及圖書其道佛附見合九條然亦

不述作者之意但於書名之下每立一傳而又作九篇

條例編乎首卷之中文義淺近未為典則

七志七錄大體雖準向歆

而遠不逮宋書元徽元年八月辛亥祕書丞王儉表

上七志三十卷

南史本傳云四十卷

齊書儉撰定

元徽四部書目儉集序云采公曾之中經刊弘度之

四部依劉歆七畧

更撰七志

隋志宋元徽元年四部

書目錄四卷王儉撰今書七志七十卷王儉撰中原文

唐志賀縱補注

文選後漢書注引今書七志

教之盛符姚而已宋武入關收其圖籍纔四千卷赤軸

青紙文字古拙魏孝文徙都洛邑借書於齊

魏開書目錄一卷

遠覽馬史班書近觀王阮志錄挹其風流體制削其浮

雜鄙俚

唐韋述傳開元初為櫟陽尉祕書監馬懷素

奏述與諸儒即祕書續七志五年而成

舊唐志晉總

括羣書裁二萬七千九百四十五卷江表所存官書凡

三千一十四卷至宋謝靈運造四部書目錄凡四千五

百八十二卷其後王儉復造書目凡五千七十四卷

卷數

與前
不同

宋祕書閣四部書目

宋書殷淳為祕書丞在祕書閣撰四部書目凡四十卷

行於世

謝靈運為祕書
監整理祕閣書

史通宋孝王關東風俗傳亦

有墳籍志其所錄皆鄴下文儒之士讐校之司所列書
名惟取當時撰者

齊四部要畧 四部書目 總明觀四部書

齊書竟陵王子良集學士抄五經百家依皇覽例為四

部要畧千卷 永明三年省總明觀於王儉宅開學士

館以總明四部書充之 隋志齊永明中祕書丞王亮

監謝朓又造四部書目大凡一萬八千一十卷

梁續為祕書郎

帝執四部書目曰讀此畢可言優仕矣

梁四部 七錄 五部目錄

隋志齊末兵火延燒祕閣經籍遺散梁初祕書監田昉躬加部集又於文德殿內列藏衆書華林園中總集釋典大凡二萬三千一百六卷而釋氏不預焉梁有祕書

監任昉殷鈞四部目錄

任昉傳自齊永元以來四部篇卷紛雜昉手自讐校由是第目

定焉殷鈞傳校定秘閣四部書更為目錄

又有文德殿目錄術數之書更為

一部使奉朝請祖暉撰其名故梁有五部目錄

武帝敕到洽抄

甲部書為十二卷

普通中有處士阮孝緒沈靜寡欲薦好墳史

博采宋齊以來王公之家凡有書記參校官簿更為七

錄一曰經典錄紀六藝二曰記傳錄紀史傳三曰子兵

錄紀子書兵書四曰文集錄紀詩賦五曰技術錄紀數

術六曰佛錄七曰道錄其分部題目頗有次序剖析詞

義淺薄不經

史通曰阮孝緒七錄書有文德殿者丹筆寫其字

元帝收文德之

書及公私經籍歸江陵大凡七萬餘卷陳天嘉中又更

鳩集考其篇目遺闕尚多七錄十二卷阮孝緒撰

唐志同

梁天監以來四部書目四卷殷鈞撰

唐志丘賓卿

梁東宮四

部目錄四卷劉遵撰梁文德殿四部目錄四卷劉孝標

撰古今四部書目五卷梁劉杳撰陳祕閣圖書法書目

錄一卷陳天嘉六年壽安殿四部目錄德教殿四部目

錄各四卷承香殿五經史記目錄二卷

唐志有陳天嘉四部書目四卷

史記正義引七錄

魏甲乙新錄

北史孫惠蔚遷祕書丞見典籍新故雜掇首尾不全請
依前承盧昶所撰甲乙新錄欲裨殘補缺損併有無校
練句讀以為定本其無本者廣加搜求

隋嘉則殿藏書 開皇書目 祕閣書三品

四部 七林

北史隋西京嘉則殿有書三十七萬卷煬帝命祕書監

柳顧言等詮次除其重複猥雜得正御本三萬七千餘卷納於東都脩文殿又寫五十副本簡為三品分置西京東都宮省官府其正御書皆裝翦華綺寶軸錦標於觀文殿前為書室十四間窻戶褥幔咸極珍麗

大業十一年增祕書省百二十員並以學士補之

隋志開皇三年

祕書監牛弘表請搜訪異本每卷賞絹一匹於是異書間出平陳已後經籍漸脩於是總集編次為正副二本藏於宮中其餘以實祕書內外之閣凡

三萬餘卷煬帝即位祕閣書寫五十副本分為三品上品紅瑠璃軸中品紺瑠璃軸下品漆軸於東都觀文殿東西廂貯之東屋藏甲乙西屋藏丙丁又聚古跡名畫於殿後起二臺東曰妙楷臺藏古跡西曰寶臺藏古畫又集道佛經別撰目錄帝好著述成新書三十部萬七千餘卷唐武德五年平偽鄭收圖書古跡命宋遵貴載之行經底柱多被漂沒存者十不一二其目錄亦為所漸濡時有殘缺今考見存分為四部合條為一萬四千四百六十六部有

八萬九千六百六十六卷六藝經緯六百二十七部五

千三百七十一卷

班固列六藝為九種合緯書為十種

史之所記八百一

十七部一萬三千二百六十四卷凡十三種諸子合八

百五十三部六千四百三十七卷

叙為十種

集部凡五百

五十四部六千六百二十二卷

合為三種

凡四部經傳三千

一百二十七部三萬六千七百八卷通計亡書合四千

一百九十一部四萬九千四百六十七卷道經三百七

十七部一千二百一十六卷佛經一千九百五十部六

千一百九十八卷大凡經傳存亡及道佛六千五百二十部五萬六千八百八十一卷約文緒義凡五十五篇各列本條之下以脩經籍志 唐志牛弘隋開皇四年

書目四卷

隋志云四部目錄

王劭隋開皇二十年書目四卷

隋志又有開皇八年四部書目錄四卷大業正御書目錄九卷 許善心傳時圖籍淆亂效阮孝緒七錄更制七林各為總叙冠於篇首 牛弘傳開皇初上表請開獻書之路曰周官外史掌三皇五帝之書及四方之志

武王問黃帝顓頊之道太公曰在丹書有國家者曷嘗
不以詩書而為教孔子制禮刊詩修春秋弘易道及秦
皇馭寓下焚書之令此書之一厄也漢建藏書之策置
校書之官及王莽末並從焚燼此書之二厄也光武下
車求文雅肅宗親臨講肆和帝數幸書林及孝獻移都
圖書縑帛皆取為帷囊此書之三厄也魏文更集經典
皆藏在祕書內外三閣遣祕書郎鄭默刪定舊文論者
美其朱紫有別晉荀勗定魏內經更著新簿劉石憑陵

從而失墜此書之四厄也劉裕平姚收圖籍四千卷僭
偽之盛莫過二秦齊梁之間經史彌盛王儉撰七志阮
孝緒為七錄總其書數三萬餘卷蕭繹有江陵收文德
殿書及公私典籍七萬餘卷悉送荊州周師入郢悉焚
之所收十纔有二三此書之五厄也今御書單本合一
萬五千餘卷部秩殘缺比梁舊目止有其半年踰千載
數遭五厄興集之期屬膺聖世上納之於是下詔獻書
一卷賚縑一疋一二年間篇籍稍脩

唐十九家目錄

志目錄類十九家二十二部四百六卷始於七畧別錄
終於羣書四錄書目有劉向歆別錄七畧荀勗中經簿
丘深之義熙集目王儉元徽書目今書七志阮孝緒七
錄丘賓卿天監書目劉遵梁東宮書目牛弘開皇書目
王劼開皇書目殷淳四部書目序錄楊松珍史目虞龢
法書目錄元行冲四錄文章叙錄則有荀勗新撰文章
家集叙摯虞宋明帝沈約傅亮文章志失姓名者陳天

嘉書目及名手畫錄二家不著錄者十二家一百十四
卷始於毋𢇛之錄韋述吳兢蔣彧之目宗諫十三代史
目李肇經史釋題常寶鼎文選著作人目尹植文樞秘
要目唐書叙目及孫玉汝唐寶錄目河南東齋史目終
杜信東齋籍 六典史類十三曰略錄紀史策條目七
略等三十部二百十四卷

隋志簿錄篇同 舊志書目十八部凡二百十七卷

唐秘書省四部圖籍

百官志秘書省監一人少監二人丞一人監掌經籍圖

書之事郎三人掌四部圖籍以甲乙丙丁為次皆有三
本曰正曰副曰貯校書郎正字掌讎校典籍 六典秘
書郎掌四部圖籍分庫藏之經類十史類十有三子類
十有四集類三 崇文總目唐秘書閣書目四卷

唐貞觀內庫書 內府四部羣書

志初隋嘉則殿書三十七萬卷至武德初有書八萬卷
重複相揉王世充平得隋舊書八千餘卷太府卿宋遵
貴監運東都浮舟沂河西致京師經砥柱舟覆盡亡其

書貞觀中魏徵虞世南顏師古繼為秘書監請求天下

書選五品以上子孫工書者為書手繕寫藏于內庫以

宮人掌之

百官志內官有司籍典籍掌籍各二人掌供御經籍分四部部別為目以時暴涼焉

會要武德五年秘書監令狐德棻奏經籍亡逸請求遺

書重加錢帛增置楷書繕寫數年間羣書畢備貞觀二

年監魏徵以典章紛雜奏引學者校定四部書祕府祭

然畢備

魏徵傳引諸儒校集祕書國家圖籍粲然全整

乾封元年十月十四日

上以四部羣書傳寫訛謬兼亦缺少詔趙仁本等集儒學

之士刊正繕寫

顏師古傳拜少監專刊正事

景雲三年六月十七日

以經籍多缺令京官有學者分行天下搜檢圖籍

崔行功傳太宗命祕書監魏徵寫四部羣書將藏內府

置讐言正二十員書工百員徵徙職又詔虞世南顏師古

踵領功不就顯慶中罷讎正員聽書工寫于家使散官

校正詔東臺侍郎趙仁本舍人張文瓘及司文郎中行

功蘭臺侍郎李懷儼充使檢校置詳正學士代散官

岐王範傳初隋亡禁內圖書湮放唐興募訪稍稍復出

藏祕府長安初張易之奏潢治乃密使摹肖竊其真藏
于家

唐乾元殿四部書 麗正殿四庫書 集賢院

典籍

志玄宗命左散騎常侍昭文館學士馬懷素為修圖書

使與右常侍崇文館學士褚无量整比會幸東都紀開元五

年正月辛亥如東都乃就乾元殿東序檢校通鑑五年十二月詔訪逸書於乾元殿編

校集賢筆記云五年於東京乾元殿寫四部書无量充使檢校六年三月五日學士以下始入乾元院无

量建議御書以宰相宋璟蘇頲同署如貞觀故事又借

民間異本傳錄及還京師

六年十一月辛卯

遷書東宮麗正殿

置修書院於著作院其後大明宮光順門外東都明福

門外皆創集賢書院學士通籍出入既而太府月給蜀

郡麻紙五千番季給上谷墨三百三十六丸歲給河間

景城清河博平四郡兔千五百皮為筆材兩都各聚書

四部以甲乙丙丁為次列經史子集四庫其本有正有

副軸帶帙籤皆異色以別之

六典云有紅綠碧白牙籤為分別

百官

志注開元五年乾元殿寫四部書

六典注同

置乾元院使有

判正官四人

以一人判事

知書官八人分掌四庫書六年

會要

五年十一月注
記六年十二月

乾元書院更號麗正修書院置使及檢

校官改修書官為麗正殿學士十一年春置麗正修書

學士光順門外亦置書院十二年冬東都明福門外置

書院十三年改麗正書院為集賢殿書院

四月丁巳改集仙殿為集

賢

會要開元三年褚无量馬懷素侍宴言內庫及秘

書省墳籍上曰內庫皆太宗高宗前代舊書令宮人掌

之篇卷錯亂卿為朕排比七年五月敕於秘書省昭文

館禮部國子監太常寺及諸司官等借寫及整比四部

書成簡工書之士一百一十人令百官入乾元殿東廊觀書無不歎

駭集賢注記六年八月十四日云云其冬車駕入京會要附七年非也褚无量傳見後七年九

月敕令麗正殿寫四庫書各於本庫每部別為目錄有

與四庫書名不類者依劉歆七畧排為七志集賢注記八年春行

冲知麗正院取秘書學士入麗正校勘通前二十人十年春移書院明福門外中書省之北十九年

冬十月丙申車駕發京時集賢院四庫書摠八萬九千卷注記

同經庫一萬三千七百五十二卷注記五十三史庫二萬八

千八百二十卷子庫二萬一千五百四十八卷集庫一

萬七千九百六十卷注記六十九其中雜有梁陳齊周隋代

古書貞觀永徽乾封總章咸亨舊本注記隋舊書用廣陵麻帝寫作蕭子

雲書體赤軸綺帶最麗好新寫書分部別類裝飾華麗
經白軸黃帶紅籤史碧軸縹帶綠籤子紫軸紫帶碧籤

集綠軸朱帶白籤
圖書紫軸綠帶 二十四年十月車駕從東都還西京

集賢書籍三分留一貯在東都 儒學傳序玄宗置集

賢院部分典籍乾元殿博彙羣書至六萬卷經籍大備

稱開元焉 六典集賢書院知書官八人注開元五年

置唐圖籍在秘書今秘書弘文史館司經崇文皆有之

集賢所寫皆御本書四部分四庫

每庫二人知寫書出納名目次序以備檢

討

四庫書兩京各一本共二萬五千九百六十卷寫以

益州麻紙

元行冲傳馬懷素撰書志褚无量校麗正

四部書業未卒詔行冲代之

唐續七志

羣書四錄

古今書錄

集賢書

目 四庫更造書目

貞觀御書

傳馬懷素玄宗詔與褚无量同為侍讀有詔校秘書是時文籍盈漫皆炙朽蟬斷籤牋紛糾懷素建白願下紫

微黃門召宿學大儒就校謬缺

通鑑五年十二月

又言自齊以

前舊籍王儉七志已詳請採近書篇目及前志遺者續

儉志以藏祕府詔可即拜懷素祕書監召尹知章韋述

等二十一人

注記前後總二十人通鑑二十人

分部撰次殷承業徐楚

璧是正文字懷素奏祕書少監盧僔崔沔為修圖書副

使祕書郎田可封康子元為判官然懷素不善著述未

能緒別會卒詔秘書官並號修書學士草定四部

六年十二

月人人意自出無所統一踰年不成又詔右常侍褚无

量大理卿元行冲考絀不應選者

注記七年七月行冲代懷素於秘書省綜

理无量等奏修撰有條宜得大儒綜治詔委行冲

通鑑開元

八年正月辛酉命右常侍元行冲整比羣書

乃令母喪韋述余欽總緝部分

殷踐猷王悝

會要作王悝

治經述欽治史母喪劉彥直治子

王灣劉仲丘治集

藝文志云王仲丘會要云劉仲

八年四錄成上之

通鑑

九年十一月丙辰上集賢注記八年春撰二百卷奏上之

學士無賞擢者行冲知

麗正院又奏陸紹伯等二十人入校麗正書由是秘書
省罷撰緝而學士皆在麗正矣 褚无量初內府舊書
自高宗時藏宮中甲乙叢倒无量請繕錄補第以廣秘
籍天子詔於東都乾元殿東廂部彙整比无量為之使
表盧僊陸去泰王擇從徐楚璧分部讎定衛尉設次光
祿給食又詔秘書省司經局昭文崇文二館更相檢讎
采天下遺書以益闕文不數年四庫全治帝詔羣臣觀
書賜无量等帛有差无量又言貞觀御書皆宰相書尾

臣位卑不足以辱請與宰相聯名跋尾不從帝西還從

書麗正殿

以修書學士為麗正殿直學士預朝會

復詔无量就麗正纂續

前功

未畢而卒

韋述開元初

五年冬

馬懷素奏述與諸

儒即秘書續七志五年而成志羣書四錄二百卷殷

踐猷王愜韋述余欽母熒劉彥直王灣王仲丘撰元行

冲上母熒古今書錄四十卷韋述集賢書目一卷

崇文目有

之

會要開元九年十一月十三日

丙辰

左常侍元行冲

上羣書四錄二百卷

舊紀云目錄

藏內府凡二千六百五十

五部四萬八千一百六十九卷分為經史子集四部序

例韋述撰母喪又略為四十卷為古今書錄奏上賜銀

絹二百

舊史志載書錄序改舊傳之失三百餘條加新書之目六千餘卷凡四錄四十五家三千六十

四部五萬一千八百五十二卷分四十類並有小序詞簡事具

天寶三載六月四庫更

造書目經庫七千七百七十七卷

集賢記七十六

史庫一萬四

千八百五十九卷子庫一萬六千二百八十七卷集庫

一萬五千七百二十二卷至十四載四庫續寫又一萬

六千八百四十三卷

注記云三十二卷載十二月戊子左相希烈為祕書

表天寶十二

省圖書使

集賢注記開元十年九月張說都知麗正殿修

書事秘書監徐堅為副張惟政充知圖書括訪異書使

天寶三載閏二月更造四庫書籍志釋氏類有母貳

開元內外經錄十卷

道釋書二千五百餘部九千五百餘卷王彥威內典目錄十二卷

崇文目開元四庫書目四十卷

唐開元著錄 四類 開元經籍

志自漢以來史官刻其名氏篇第以為六藝九種七畧至唐始分為四類曰經史子集而藏書之盛莫盛於開

元其著錄者五萬三千九百一十五卷而唐之學者自

為書又二萬八千四百六十九卷可謂盛矣甲部經錄

共類十一

舊史十二類

易經詩禮樂春秋孝經論語識緯經

解小學凡著錄四百四十家五百九十七部六千一百

四十五卷

不著錄一百一十七家三千三百六十卷

乙部史錄其類十三正

史

并集史

編年偽史雜史起居注

并實錄

故事職官雜傳記

并女訓

儀注刑法目錄譜牒地理凡著錄五百七十一家

八百五十七部一萬六千八百七十四卷

不著錄三百五十八家一

萬二千三百二十七卷

丙部子錄其類十七

舊志十四類

儒道

并神仙釋氏

法名墨縱橫雜農家小說天文厯筭兵書五行雜藝術

類書明堂經脈醫術凡著錄六百九家九百六十七部

一萬七千一百五十二卷

不著錄五百七家五千六百一十五卷

丁部集

錄其類三楚辭別集總集

并文

凡著錄八百一十八家

八百五十六部一萬一千九百二十三卷

不著錄四百八十八家五千八

百二十五卷

有名而亡書者十蓋五六而俚言俗說猥有存

者亦有幸不幸歟

兼不著錄者言之經九千五百五卷史二萬九千二百一卷子二萬二千

七百六十七卷集萬七千七百四十八卷摠七萬九千二百二十一卷或云八萬九千六百卷新史志甲少

舊志一誌訓丙多舊志三藝術類書明堂經脉

舊經籍志開元時甲乙丙丁

四部書各為一庫置知書官八人分掌之凡四部庫書

兩京各一本共一十二萬五千九百六十卷皆以益州

麻紙寫其集賢院御書經庫皆鈿白牙軸黃帶紅牙籤

史書庫鈿青牙軸縹帶綠牙籤子庫雕紫檀軸紫帶碧

牙籤集庫綠牙軸朱帶白牙籤以分別之文宗時詔秘

閣搜訪遺文添寫開成初四部書至五萬六千四百七

十六卷今錄開元盛時四部羣書以表藝文之盛據開元經籍為之志

唐十二庫書

志祿山之亂尺簡不藏元載為相奏以千錢求書一卷

又命拾遺苗發等使江淮括訪

蔣人為集賢編錄兵興圖籍散外又料次踰年

各以部分得善書二萬卷

文宗時鄭覃侍講進言經籍未備因詔秘

閣搜採於是四庫之書復全分藏于十二庫

舊志昭宗時秘書省

奏曰元掌四部御書十二庫共七萬餘卷

會要長慶三年四月秘書少監

李隨奏鑄秘書閣圖書印御書正副本開元天寶以前

有小印印縫開成元年七月

戊辰朔

分察使奏秘書省四

庫見在新舊書籍共五萬六千四百七十六卷九月辛

卯敕秘書省集賢欠書四萬五千二百七十一卷令諸道

繕寫 集賢注記前漢有金馬石渠後漢有蘭臺東觀

宋有摠明陳有德教周則虎門麟趾北齊則仁壽文林

方之今日豈得扶輪接轂哉開元二十四年駕還西京

敕集賢掌書籍三分留一貯東都天寶十一載十月敕

秘書省檢四庫書與集賢院填寫

六月二十四日敕秘書監李成裕排比四

庫書先具奏聞天寶三載閏二月更造四庫書籍

韓文秘書御府也天子

猶以為外且遠不得朝夕視始更聚書集賢殿別置校

讐官曰學士曰校理常以丞相為大學士由是集賢之

書盛積盡秘書所有不能處其半

廣德二年七月甲辰以集賢院圖書墜失

開求書之令一卷賞千錢

龍城錄開元文籍最備集賢院所藏至

七萬卷學士張說等四十七人分司典籍若開

羣玉之府指麾聯累珪璋琮璜之狀各有列位不

失其序雖第其價可也 漢哀七畧之文唐分四錄之
目薛夏建議內外始分鄭默勵精朱紫斯別觀物者必
於其會餅水知天下之冰堂下之陰知日月之行理則
固然然未若廣川大陸會三光五嶽之氣闡明闔晦輻
輳降升一攬而盡陰陽舒慘之變也

唐吳兢書目

志西齋書目一卷分五十七部摠一萬四百有三卷

崇文

目又東齋史目三卷杜信東齋籍二十卷類書有虞世

南北堂書鈔一百七十三卷

崇文目有河南東齋史目錄

唐弘文殿四部羣書

見弘文館會要

唐貞元御府羣書新錄

柳文陳京行狀云京為秘書少監自考功以來凡四命為集賢學士在集賢奏秘書官六員隸殿內而刊校益理求遺書凡增繕者乃作藝文新志名曰貞元御府羣書新錄徐堅碑遷太子文學時秘閣群籍訛謬敕召學

士詳定公為之刊緝卷盈二萬 崇文目唐秘書閣書
目四卷

唐十三代史目

晁氏志三卷唐殷仲茂撰

唐志宗
錄七卷

輯史記兩漢三國晉

宋齊梁陳後魏北齊周隋史籍篇次名氏國朝杜鎬以
唐五代書目續之

朱遵度羣書麗藻目錄

中興書目南唐朱遵度撰古今文章著為六例一曰六

籍瓊華二百五十卷二曰信史瑤英一百八十卷三曰
玉海九流三百五十卷四曰集苑金巒五十卷五曰絳
闕藥珠四十卷六曰鳳首龍編一百三十卷合為二百
六十七門總雜文一萬三千八百首勒成一千卷又別
撰為目錄五十卷

太平興國三館四庫書籍 崇文院六庫書籍

五季時三館在右掖門內止十餘楹書纔數櫝太平興
國二年始於乾元殿東改建三年成遷舊館之書

實錄
興國

中始於乾元殿東創修三館列四庫書籍二月丙辰朔通鑑賜名崇文院

之東廡為昭文書庫南廡為集賢書庫西廡有四庫分

四部為史館書庫

辛巳幸觀書

凡六庫書籍正副本八萬卷

雍熙中建秘閣於此分內庫書籍藏之

或云秘閣藏圖書國學藏經典

三館藏史傳

興國九年正月壬戌詔中外上三館闕書及

三百卷當甄錄自是四方書籍往往間出上謂侍臣曰

教化之本治亂之原無書籍何以取法今三館貯書數

雖不少若觀開元書目即遺逸尚多宜廣行求訪乃詔

以開元四部書目比校闕者搜訪具錄所少書示中外
政和八年四月二十九日滕康奏秘閣四部書秘書郎
掌之四庫書校書郎正字掌之宣和四年四月丙午八
日詔建局以補緝校正文籍為名繕寫真宣和殿太清
樓秘閣又詔搜訪闕書

太宗清心殿圖籍 寶元編資善堂書籍

太宗於後苑建清心殿藏圖籍以資遊觀嘗於此讀御
覽致飛鵲之異

或云淳化元年正月作而御覽成於興國八年當考

熙寧三年

冬命李清臣劉摯等校觀文殿御覽書籍 寶元二年

三月癸丑命賈昌朝王宗道編排資善堂書籍

四月癸未罷之

淳化秘閣羣書

見閣類

兩朝藝文志祖宗藏書之所曰三館秘閣在左昇龍門
北是為崇文院自建隆至祥符著錄摠三萬六千二百
八十卷八年館閣火移寓右掖門外謂之崇文外院借
太清樓本補寫既多損蠹更命繕還天聖三年成萬七
千六百卷歸于太清九年冬新作崇文院館閣復而外

院廢時增募寫書吏專事全緝景祐初命翰林學士張觀
知制誥李淑宋祁編四庫書判館閣官覆視錄校二年
上經史八千四百二十五卷明年上子集萬二千三百
六十六卷差賜官吏器幣詔求逸書復以書有謬濫不
全始命定其存廢因倣開元四部錄為崇文總目慶厯
初成書凡二萬六百六十九卷然或相重亦有可取而
誤弃不錄者嘉祐四年右正言秘閣校理吳及言內臣
監館閣久不更書多亡失補寫不精請選館職分吏編

寫求訪所遺令陳襄蔡抗蘇頌陳繹編定四館書不兼
他局二年一代遂用黃紙寫印正本以防蠹敗又選京
朝州縣官四人編校二年遷館職闕即隨補歲餘詔曰
國初承五代之後簡編散落三館聚書僅纔萬卷其後
平定列國先收圖籍亦嘗分遣使人屢下詔令訪募異
本校定篇目聽政之暇無廢覽觀然比開元遺逸尚衆
宜加賞以廣獻書中外士庶並許上館閣闕書卷支絹
一匹五百卷與文資官明年冬奏黃本書六千四百九

十六卷補白本二千九百五十四卷賜宴如景祐自是
編寫不絕收獻書二百一十七部千三百六十八卷合
崇文總目除前志所載刪去重複訛謬定著一千四百
七十四部八千四百九十四卷篇列次于此 謝泌傳
端拱初直史館言圖書多失次序唐景龍中嘗分經史
子集為四庫命薛稷沈佺期武平一馬懷素分掌遂令
分典四部以泌知集庫

咸平館閣圖籍目錄

圖一作書

咸平元年十一月以三館秘閣書籍歲久不治詔朱昂
杜鎬與劉承珪整比著為目錄二年閏三月甲午詔三
館寫四部書來上當置禁中以便觀覽三年二月丙午
昂以司封郎中加吏部鎬以校理為直秘閣賜金紫昂
等受詔編館閣圖籍目錄至是奏御故獎之

中興書目
有皇朝秘

閣書目一卷十九門六千七百九卷不知作者景德
四年五月己亥廣秘閣先是上謂輔臣曰國家搜訪圖

書其數漸廣臣庶家有聚書者皆令借目錄參校內府
館閣所有缺者借本補寫所得甚多祥符中獻書者十

九人賜出身得萬
七百五十四卷

五年七月庚戌幸三館秘閣閱四部

書景德三年四月丙子幸崇文院觀四庫圖籍祥符八年十二月甲辰命樞使王欽若提點寫校閣館書籍翰林學士陳彭年副焉

景德太清樓四部書目 嘉祐補寫太清樓書

景德四年三月乙巳召輔臣對于苑中登太清樓觀太宗聖製御書及新寫四部羣書上親執目錄令黃門舉其書示之總太宗聖製詩及故事墨迹三百七十五卷文章九十二卷經庫二千九百一十五卷史庫七千三

百四十五卷子庫八千五百七十一卷集庫五千三百

六十一卷四部書共二萬五千一百九十二卷

長編云
樓藏太

宗御製及墨跡九百三十四卷軸四
部摩書二萬二千七百二十五卷

又出御製太清樓

新寫御覽書籍記又東至玉宸殿云云初興國四年建

太清樓于迎陽門後苑真宗藏太宗御製墨迹石本咸

平二年閏三月甲午詔三館寫四部書一置龍圖閣一

藏後苑太清樓四年十月直集賢院李建中言太清樓

書宜選官重校上因閱書目見缺書尚多甲子詔求逸

書五年十二月甲申以尚有舛誤而未讎對者猶二萬
卷令流內銓擇官詳校試十五人詩論于銀臺得劉均
鼎震等七人於崇文院校勘大官供膳景德元年三月
丁酉直秘閣黃夷簡等上校勘新寫御書凡二萬四千
一百六十二卷作九十二則與前目同但前目云五千校勘六人授秘閣

校理賜緡帛

祥符五年八月庚申奉安太宗御集于樓七

年三月癸巳天禧二年十一月辛未召羣臣觀書于樓
天禧元年八月壬申校勘所言學究侯惟哲劉溥獻

太清樓無本書各五百卷請甄錄從之初祥符中補寫
三館書借太清本多損蠹遂留為三館正本副寫還之
天聖三年四月丁丑寫成萬七千六百卷歸于太清樓
六月丙辰陳從易等以校太清樓所藏十代興亡論妄
加塗竄降職

實元嘉祐屢
觀書于此

嘉祐七年六月丁亥秘閣上

補寫御覽書籍先是歐陽修言太清樓書因宣取入內
頗不全詔內臣檢所缺書錄上中書省繕寫至是上之
元祐七年五月十九日秘書省言高麗獻書多異本館閣

所無詔校正二本別寫藏太清樓天章閣

景德玉宸殿藏書

詳見觀御書

景德四年三月乙巳召輔臣至玉宸殿蓋退朝燕息之所帷帳無文采歷翔鸞儀鳳二閣作五言詩從臣皆賦殿在太清樓之東聚書八千餘卷上曰此唯正經正史屢經校讐他小說不與其後羣書又增及一萬一千二百九十三卷太宗御集御書又七百五十二卷

祥符龍圖閣四部書

書目

景德六閣圖書

建隆初三館書僅萬二千餘卷及平諸國收圖籍蜀江

南最多開寶中參以舊書為八萬卷

凡得蜀書一萬三千卷江南書二萬

餘至祥符凡三萬六千三百八十卷崇文院龍圖閣皆

有四部

真宗謂輔臣曰臣庶家有聚書者朕皆借其目錄參校借本抄填之

志咸平二

年閏三月甲午詔三館寫四部書籍二本一置龍圖閣

一置太清樓御製御書皆在上親贊序刻石紀其數

四年

十一月丁亥觀書

祥符二年九月丁丑召寧王元渥等於龍圖

閣觀書目祥符二年正月二十八日戊寅召近臣觀龍

圖閣太宗御書及四部書籍又至閣西觀畫命馬知節

評之

東京記云祥符初建龍閣據此則咸平初已建矣

實錄景德二年四月

戊戌幸龍閣閱太宗御書觀諸閣書畫閣藏太宗御製

御書并文集摠五千一百十五卷軸冊下列六閣經典

摠三千三百四十一卷

目錄三十卷正經經解訓詁小學儀注樂書

史傳摠

七千二百五十八卷

目錄四百四十二卷正史編年雜史史抄故事職官傳記歲時刑法

諸牒地理偽史

子書摠八千四百八十九卷

儒家道書釋書子書類書小說筭術

醫文集摠七千一百八卷

別集摠集

天文摠二千五百六十

一卷

兵書歷書天文占書六壬遁甲太一氣神相書卜筮地理二宅三命選日雜錄

圖書摠七

百一軸卷冊

古畫上中品新畫上品古賢墨跡摠二百六十六卷

又上曰退朝之

暇聚圖書以自娛

摠二萬九千七百十四卷

又曰龍閣書屢經讎校

最為精詳已傳寫一本置太清樓朕求書備至故奇書

秘籍無隱焉

祥符六年正月庚戌賜王旦已下龍圖

閣書籍圖畫目六閣圖書贊

祥符寶文統錄

九年二月己酉王欽若上詳定道藏經凡三洞四輔四

千三百五十九卷初唐明皇撰瓊網裁三千餘卷

唐明皇命

方士為瓊網四卷
士張仙庭三洞瓊網三卷

志道

皇朝得七千餘卷命徐鉉等

校勘得三千七百三十七卷分寘上清太一宮祥符三

年選官詳校欽若摠之刪一百二十卷又求得七百二

十七卷摠為目錄詔賜名聖製序 唐志神仙三十五

家五十部三百四十一卷不著錄六十二家二百六十

五卷道藏音義目錄一百一十三卷崔湜薛稷沈佺期

道士史崇玄等撰 隋志道經三百七十七部一千二

百一十六卷有經戒餌服房中符錄 宋鄧自和撰道藏書目一卷

景祐編三館秘閣書籍

崇政殿觀書

景德元年閏六月辛酉命翰林學士張觀知制誥李淑宋祁編排三館秘閣書籍判館閣盛度章得象石中立李仲容覆視之二年十月己未館閣上所校兩庫經史八千四百二十五卷賜器幣三年五月庚辰求逸書十月甲寅命知制誥王舉正看詳乙丑御崇政殿觀二館

秘閣新校兩庫子集書凡萬二千餘卷賜校勘官器幣
又賜宴崇文院

慶曆崇文總目

慶曆元年十二月己丑翰林學士王堯臣等上新修崇

文總目六十卷

堯臣與聶冠卿郭稹呂公綽王洙歐陽修等撰以四館書并合著錄中興書

目云六十六卷當考錄一卷多所繆誤

國史志崇文總目六十六卷序長編云總目亦有可取而誤弄不

錄者其書總數凡三萬六千六百九十九卷自太祖平定四方

天下之書悉歸藏室太宗真宗訪求遺逸小則償以金

帛大則授之以官又經書未有板者悉令刊刻由是大
備起秘閣貯之禁中景祐元年閏六月以三館秘閣所
藏有繆濫不全之書辛酉命翰林學士張觀知制誥李
淑宋祁將館閣正副本書看詳定其存廢偽謬重複並
從刪去內有差漏者令補寫校對倣開元四部錄約國
史藝文志著為目錄仍令翰林學士盛度等看詳至是
上之庚寅以提舉張觀宋庠王堯臣及冠卿稹並加階
封編修呂公綽等進職 崇文目有目錄十九部一百

七十九卷始於符瑞圖目一卷終於學士院雜撰目一卷

嘉祐編定書籍 昭文館書

嘉祐四年二月

丁丑

置館閣編定書籍官以秘閣校理

蔡抗陳襄集賢校理蘓頌館閣校勘陳繹分史館昭文館集賢院秘閣而編定之初右正言吳及言祖宗更五代之弊設文館以待四方之士而公相率由此進故號令風采不減漢唐近年用內臣監館閣書庫借出書籍亡失已多又簡編脫落書史補寫不精非國家崇鄉

儒學之意請選館職三兩人分館閣吏人編寫書籍其
私借出與借之者並法坐之仍請求訪所遺之書因命
抗等令不兼他局二年一代之六月己巳又益編校官

每館二員給本官食公使十千及二年者選人京官除

館閣校勘朝官除校理

實錄各一員王陶趙彥若傳卞孫洙

六年十二月

辛丑三館秘閣上寫黃本書六千四百九十六卷補白

本書二千

一千云

九百五十四卷二十二日壬寅遣中使

詔中書樞密院

宰臣韓琦以下

合三館秘閣官屬四十一人賜

宴以嘉其勤

宴崇文院剡石記于院之西壁

先是崇文白本書歲久多

蠹又多散失置官校正補寫別本亦以黃紙以絕蠹敗

至是上之其編校官昭文館職方員外孟詢

一作恂

大理

評事趙彥若史館集賢校理竇卞大平司法參軍曾鞏

集賢院國子監直講錢藻秘閣館閣校勘孫洙國子監直

講孫思恭校小學太常博士張次立七年三月辛酉詔

參知政事歐陽修提舉三館秘閣寫校書籍仍詔兩制

看詳天下所獻遺書六月丁亥秘閣上補寫御覽書籍

先是判閣歐陽修言秘閣初為太宗藏書之府並以黃綾裝潢謂之大清本後多宣取入內請降舊本補寫之遂詔龍圖天章寶文閣太清樓管掌內臣檢所缺書錄上於門下省謄寫至是上之賜判閣范鎮及管掌補寫銀絹有差十二月詔以所寫黃本一萬六百五十九卷黃本印書四千七百三十四卷總一萬五千三百九十三悉送昭文館七史板本四百六十四卷送國子監以校勘功畢明年遂罷局先是五年八月壬申詔國家承五代後三館

聚書纔萬卷後平列國先收圖籍屢下詔令訪募異本
至景祐中校定篇目然比開元舊錄遺逸尚衆中外士
庶許上館閣闕書每卷賜帛一匹五百卷官之

六年六月開獻

書之路詔諸道搜訪中興書目有嘉祐搜訪闕書目一卷首載六年六月求遺書詔書或云四館之職歷差陳洙至王安國十六人熙寧中罷局七年置補寫所國朝三館書直館官校對及收諸國圖籍實館閣或召京朝官校之皆題名卷末

寶元二年正月丙午學士院言奉詔

詳定陰陽禁書請除孫吳子歷代史天文律歷五行志

并通典所引諸家兵外餘悉為禁書從之

學士院司天監定係禁書

籍十四門為
目錄一卷

中興書目熙寧七年國子監書總一百

二十五部今存書目一卷

國史志乾德六年史館新

定書目四卷

李淑圖書十志

中興書目淑皇祐中撰邯鄲書目十卷子德芻再集其
目三十卷淑藏書二萬八百十一卷著為目錄凡五十
七類至是比舊少一千一卷 序曰儒籍肇劉略荀簿
王志阮錄訖元母廼備藏家者唯吳齊著目宋戢戈講

道延閣廣內官書三萬六千二百八卷計開元見目十
不五六崇文目刻去五千 晁氏志淑載其家所藏圖
書五十七類經史子集通計一千八百三十六部二萬
三千一百八十六卷其外又有藝術志道書志畫志通
為八目

元祐秘閣書目 政和秘書總目

中興書目秘書省書目二卷

凡一萬四千九百餘卷

史館新定書

目四卷分四部總一萬四千四百九卷

不知作者

會要熙

寧七年置補寫所元祐二年六月八日秘書省言秘寫
秘閣黃本以崇文總目比校別造書目八月罷補寫書
籍局四年五月秘書言江南西川荆浙等書先朝收取
入館今散失將盡欲貯於下庫內有唐朝舊書別藏館
閣紹聖元年閏四月罷校對黃本崇寧二年五月秘閣
書寫成二千八十二部未寫者一千二百一十三部及
闕卷二百八十九立程限繕錄大觀四年五月十日秘
監何志同奏慶厯摠目號為全備者不過二萬餘卷闕

逸浸多請頒其數求訪政和七年十一月十四日戊戌
校書郎孫覲奏四庫書尚循崇文舊目頃訪求遺書總
目之外凡數百家幾萬餘卷請撰次增入總目合為一
卷詔覲及著作郎倪濤校書汪藻劉彥適撰次名曰秘
書總目

紹興求書闕記

羣玉會記

又見求書類

十七年鄭樵按秘書省所頒闕書目錄集為求書闕記七
卷外記十卷又總天下古今書籍分類為羣玉會記三

十六卷徐士龍編求書補闕一卷

紹興御府書籍

見校定經史類

晁公武讀書志

晁公武讀書志四卷初南陽井氏度傳錄蜀中書甚富

舉以與公武公武分為四部經類十史類十三子類十

六集類三每讀一書撮其大旨論之紹興二十一年自

序

讀書志有田錫書目六卷
犀書備檢十卷

鄭樵校讐畧曰欲明書者

在明類例總古今有無之書為之區別凡十二類百家四百二十二種

淳熙中興館閣書目 嘉定續書目

紹興初再改定崇文總目秘省續編四庫闕書淳熙四年十月少監陳騭等言乞編撰書目五年六月九日上

中興館閣書目七十卷序列一卷

序列凡五十五條

凡五

十二門計見在書四萬四千四百八十六卷較崇文所載多一萬三千八百十七卷復參三朝史志

多八千二百九十卷兩朝史志多三萬五千九百
九十二卷閏六月十日令浙漕司摹板 淳熙四
年陳騭編館閣錄載祕閣諸庫書目御札六百七
軸三十五冊五道太上聖政六十一冊日歷一千二
冊並藏閣上經史子集四類一萬三千五百六卷三千
九百五十八冊分兩庫御前書經史子集四類二千五
百二卷六百十四冊四庫書經史子集二萬三千五百
八十三卷六千五百十二冊續搜訪庫經史子集二萬

三千一百四十五卷七千四百五十六冊諸州印版書
六千九十八卷一千七百二十一冊 五年九月十四

日詔秘書印館閣書目以二十部進入餘賜幸省赴坐

官各一部

先是三月駁等言慶厯元年崇文總目成參政王舉正上今書目成書宜於參政過局日

觀閱投進從之

六年六月二十七日吏部侍郎閻蒼舒請秘

省錄見有書目送四川制置司參對官書目錄繕寫上

之 十三年九月二十五日秘書郎莫叔光請詔諸路

監司守臣各上書目以館閣書目參對有未收之書移

文取索從之 嘉定三年編次御製御批目錄 中興
館閣續書目秘書丞張攀等乞編新目以續前書得書
七百五十二家八百四十五部凡一萬四千九百四十
三卷嘉定十三年四月上

晁說之曰劉歆告揚雄云三代之書蘊藏于家直不計
耳顧弗多耶今有一周易而無連山歸藏有一春秋而
無千二百國寶書及不修春秋有卿禮二士禮七大夫
禮二諸侯禮四諸公禮一而天子之禮無一傳者以隋

唐經籍志吳氏西齋錄求於今其存有幾 藏書上矣

周有藏史典簡策魯有御書在象魏 曲臺之禮九師

之易樂分龍趙詩析齊韓陳農所未究河間所未輯有

一於此罔不兼綜 韓起觀典於魯國知周道之所以

興蕭何收籍於關中見秦業之所以替 人拾青紫家

懷鉛素求古文於孔壁收竹書於汲冢 搢紳先生聚

靈簡於內輜軒使者採遺篆於外刊正分其朱紫繕寫

埒於丘山外史所未錄既盈太常之藏中經所未載盛

積秘室之府此夫軒皇宛委穆蒲羽陵炎漢廣內有晉
秘閣何異牛宮之水蟻垤之林 張華海內之秘班旂

禁中之副 擿發異聞皆黃香之不見沉研精義多郭
璞之未詳 紫臺秘典綠帙奇文羽陵蠹迹嵩山落簡

虞初稗官之說凡將急就之文 如游羣玉之府琮

璜珪璧瓊瑤寶璐光明焜晃莫敢注視如行衡霍嵩岱之
境山輝川媚雲蒸霞蔚龍拏鳳跂蒼翠詭異使人應接
不暇 漢家天祿萃九流七畧之篇唐室集賢廣四庫

萬籤之目

考遺編於魯壁緝蠹簡於羽陵

蓬山芸

觀之書羣玉垂金之記魯宮藏篆汲冢遺編

羽陵青

簡媯泉綠字

蟲篆鳥跡汗簡編蒲

探逸典於酉陽

訪遺編於汲郡

漢臣三篋梁相五車

羽陵蠹書酉

陽逸典

外史所掌廣內所司

莊周十七之寓言虞

初九百之小說

丹函翠蘊綈裘縹囊

人文挾天薰

郁歆豔灝灝噩噩排商轅周

與奎壁日月激衝光明

玉海卷五十二